

ՀՈՒԴՈՎԻԿՈՍ

Կ Ա Մ

ԿՈՐՍՈՒՄ. Ծ Տ Ղ Ա Յ



ՎԵՆԵՏԻԿ

ՍՈՒՐԲ ՂԱԶԱՐ

—
1897

✓ Բ
201

7999

Մ Ա Տ Ե Ն Ա Դ Ա Ր Ա Ն

Մ Ա Ն Կ Ա Ն Յ



10

Հ Ո Ի Դ Ո Վ Ի Կ Ո Ս




Fig. 61

1. 0. 1. 7. 0. 1. 1. 4. 0. 0

Բ
201

ՀՈՒԴՈՎԻԿՈՍ

Կ Ա Մ

ԿՈՐՍՈՒԱԾ ՏՂԱՅ



ՎԵՆԵՏԻԿ

ՍՈՒՐԲ ՂԱԶԱՐ

—
1897

րով պատած էր, տեսաւ վեց եօթը տարուան խեղճուկ տղայ մը, որ ծուռնի գրեթէ ու ջերմեռանդութեամբ սև սև գեղեցիկ աչուռները երկինք կը վերցընէր, և արցունքերը մարգարտի պէս երեսէն վար կը թափէին. շատ կոկիկ հագուած էր, բաճկոնը ազնիւ չուխայէ շինած, մէկալ զգեստն ալ ձիւնի պէս ճերմակ. երկան ու սև մազերը ուսերէն վար կը կախուէին, վիզն ալ ազնիւ կերպասէ վիզոց մը պըլլեր էր: Տղան սկսաւ գաղղիւրէն կանչել Ո՛հ Աստուած իմ, Աստուած իմ, ողորմէ ինձի:

Լորենցիոս չէր հասկընար գաղղիւրէն. բայց անոր զուրցուածքին կերպը սիրտը շարժեց: Տղան զինքը տեսնելուն պէս դիմացը վազեց, և առանց վարնալու անոր ձեռքը բռնելով՝ գերմաներէն սխալ խօսելով կ'աղաչէր, որ զինքը մօրը տանի: Լորենցիոս հարցուց թէ ո՞ւր է մայրդ, և գու ինչպէս կորսուեցար: Տղան ալ սկսաւ կրցածին չափ իր միտքը բացատրել, թէ ես Գաղղիայ ծնած եմ. և անունս Լուգովիկոս է, իմ ծնողքս պանդխտութեամբ եկեր էին Գերմանիա՝ Գաղղիոյ խուղութիւնը սկսած ատենները. իմ

հայրս փախչող իշխաններէն մէկուն հետն է, ես և իմ մայրս Գրեվերի ըսուած տեղը գացինք, բայց երբոր գաղղիացուոց զըբըր հոն մօտեցան՝ պէտք եղաւ որ նորէն փախչինք, և ան օրը աս անտառին մօտ գեղմը հասանք: Հոն երբոր մեզի համար կերակուր կը պատրաստուէր պանդոկին մէջը, ես ուզեցի քիչ մը վազվզել. մայրս հրաման տուաւ, բայց պատուելոց որ պարտեղէն գուց չելլեմ. ես ալ ուրախութեամբ աս դիտան դին կը վազէի կը ցաթկէի մէյմ'ալ աղուոր թիթեռնիկ մը տեսայ, որուն նմանը կէնացս մէջ չէի տեսած՝ գեղեցիկ գունելով զարգարուած. մէկէն վազեցի վրան, անիկայ թուաւ գնաց գաշտը, ես ալ մօրս արգէլքը մոռնալով՝ վազեցի ետեէն: Հոն մօտի անտառին մէջէն կը կուռի ձայն մը լսեցի՝ իմ առջի խաղալիքներուս մէջը պղտիկ սրինդիս ձայնին նման, անոր համար սկսայ ծափ զարնել ուրախութեամբ ու թիթեռնիկըս մոռցած՝ սկսայ վազել գէպի ան կողմը ուսկից ձայնը կու գար. իսկ ան թռչունը թուփէ թուփ թռչարտելով չէր երեւնար, ու շարունակ կ'երգէր՝ ես ուզելով աչքովս տեսնալ զին

քը մասյ անտառը: Ետքը յանկարծ միտքս եկաւ որ մայրս կ'ըստասէ ինձի, սկսայ բոլոր ուժովս վազել. բայց չգիտնալով թէ ո՞ր կողմը պէտք է երթալ. գեղ դառնալու տեղ պզտիկ ճամբաներու մէջ մոլորեցայ, և աւելի հեռացայ անկէ, ինչուան աս խիտ թուփերուն մէջ ընկայ. ուսկից ալ չկրցայ գուրս ելլել: Յոգնութենէն ուժս թափած, անթուփենէն նեղացած, ծառի մը տակ պսոկեցայ. ետքը Աստուծոյ աղօթք ըրի որ զիս ազատէ:

Մեծ յանցանք ըրեր ես, իմ սիրելի Լուգովիկս, ըսաւ Լորենցիոս, որ ան թիթեանիկին գոյներուն և կկուին երգին համար՝ մօրդ հրամանը մոռցար. Լուգովիկոս պուկունքները կախեց, սկսաւ լալ:

Ձէ, չէ. մի լար, ըսաւ, Լորենցիոսը, կարծեմ թէ Աստուած քու զղջումդ տեսնելով քեզի ողորմեցաւ, և կ'ուզէ քեզի օգնել. հիմա պէտք է որ շնորհակալ ըլլաս իրեն և խոստանաս, ասկէ վերջը միշտ խելօք ըլլալու. Ահա տեսար, ո՞վ որ կ'ուզէ իր կամբին հետեւիլ ու միայն խելքին փչածը ընել՝ ինչպէս վտանգներու մէջ կ'իյնայ: Չէ. թի-

թեանիկէն ուրիշ սրջափ աղուոր բաներ կան՝ որոնց ետեէն պէտք չէ երթաս. ու ամէն կկուի ձայնին մտիկ պէտք չէ ընես: Աստուած ուզելով ազատել զքեզ աս ամէն վտանգներէն, ու իր շնորհքը տալ քեզի որ աշխարհիս մէջ երջանկուութեամբ կեանքդ անցնես, ահա աս փորձանքը սուսաքեզի խրատի համար:

Ասանկ ըսելով Լորենցիոս, մէկ նեղ ճամբէ մը գուրս հանեց Լուգովիկոսը:



ԳԼՈՒԽ Բ

Գրչեր մը.

ԵՐԹԱՆՈՒ առեմնին Լորենցիոս հարցուց տղուն թէ ձեք իջած գեղին առնունը ի՞նչ էր: Լորդովիկոս անունը չէր գիտեր. բայց կրցածին չափ նկարագրը բերով ան տեղը, ըսաւ թէ՛ մէկ լեռան մը տակ էր ան դեղը, և ան լեռանը վրայ մէկ մեծ անտառ մը և աղուոր բերդ մը կար:

Իմացայ ըսաւ Լորենցիոս, Վալաէն պէրզին է ան, հիմայ անկէց երկու փարսախ հեռու ենք: Այսօր դու շատ հոգնած ըլլալով՝ չես կրնար այնչափ ճամբայ ընել, ոչ կերակուր ես կերեր և ոչ չանդչեր ես, հիմա եկու իմ տունս երթանք՝ որ հոս մօտ է, ու քիչ մը բան ուտես. վերջը ձի կը հեծնանք, և շուտով կերթանք մէկտեղ Վալաէն պէրզի. մէկ Ժամուան մէջ նորէն կը գտնաս քու մայրդ:

Սա խօսքը երբ լսեց Լուգովիկոս՝ ուրախութեամբ և առանց վախի սկսաւ

Լորենցիոսի ետեէն երթալ. շուտ մը հասան տունը, որ զուարճալի դաշտի մէջ լինի մը քով շինուած էր:

Յոհաննա, Լորենցիոսի կնիկը, իր հինգ տղաքներովը, պղտիկն ալ գերկը առած՝ էրկանը դիմացը ելաւ, հեռուէն կանչելով. իմացա՛ր իմացա՛ր. գաղղիացի զինուորները այսօր Վալաէնպէրզի հասեր են, և գունդ մը հետեակ զօրքերու բոլոր անտառին տիրեր են:

Լորենցիոս աս խօսքը երբ լսեց. սպաշած մնաց. Յոհաննան ալ զարմացաւ տեսնելով պղտի գաղղիացի տղէկը. սկսաւ լաւ մը վրան նայիլ. տղաքն ալ մօտեցան անոր, և Եղիսաբեթը ըսաւ. — Ես ինչուան հիմայ կը կարծէի որ գաղղիացիները ահաւոր մարդիկ են, բայց թէ որ ամէնքը աս տղուն պէս շնորհալի են, ալ պիտի չվախնամ առնոյմէ:

Լորենցիոս պատմեց կնկանը տղուն ըսածները, անոր ալ սիրաւ շարժեցաւ. Մեղք, մեղք, կանչեց, խեղճուկը անօթի պիտի ըլլայ, երթամ՝ կտոր մը ուտելու բան տամ: Տղաքը ծիծաղելով սիրա կու տային՝ Լուգովիկոսին ծուռուժուռ գերմաններէն խօսած առեմնը:

Շուտ մը գնացին, իրիկուան կերակուրի նստեցան. բերին տաք տաք կար մըրըցուցած գեանախնձորը, Լուգովիկոս քանի մը հատ առած՝ իր սինակին քօրը գրաւ, ու կ'ըսպասէր. վասն զի ինքը գեանախնձորը միշտ մտի հետ կերած էր. տեսաւ որ դրանը քով հաւերը կը պըտըտէին, ասոնք պէտք է խորվել, ըսաւ:

Պատասխան տուաւ Յոհաննա, Սիրելի Լուգովիկ գիտես որ խորված ուսերը մեզի ծանր կը նստի. մենք աս հաւերը կը մեծցընենք՝ կը ծախենք, եւ առած ստակնիս աւելի հարկաւոր բաներու կը գործածենք:

Այսպէս ըսելով, քիչ մը կարագ բերաւ. Լուգովիկոս իրեն գեանախնձորները անով կերաւ:

Ընթրիբէն վերջը, Լորենցիոս դարձաւ ըսաւ. — Տղաս, այսօր չենք կրնար երթալ Վալտէնպէրի, վասն զի հիմայ գաղղիացիք ան կողմերը բռնէր են, վտանգաւոր է գիշերանց երթալ հոն: Ուրեմն եկու համբերէ ինչուան առաւօտ, վաղը նայինք Աստուած ինչ կը յաջողէ:

Լուգովիկոս կամայ ակամայ խօսքը մտիկ ըրաւ, Թէպէտ շատ կը փափա-

բէր ժամ մը առաջ մայրը տեսնալու: Յոհաննա անոր պատրաստեց անկողնիկ մը, իրեն պղտի տղոց սենեկին մէջ. Լուգովիկոսն ալ պառկած չպառկած անուշ քուն մը քաշեց:

Յոհաննա դարձաւ գնաց դրանը մէջը նստաւ էրկանը քով, ինչպէս որ սովորութիւն ունէին, օրուան աշխատուածէնէն ետքը նստիլ ու խօսիլ վաղուան համար. փառք տալով Աստուծոյ, որ ան օրն ալ շիրէնջ հոգաց:

— Ինձի կ'երեւոյ, ըսաւ Յոհաննան, որ վաղը դու մինակ երթաս Վալտէնպէրի. վասն զի ես կարծեմ որ Լուգովիկոսի մայրը իրեն հայրենակիցնէրուն մօտենալը լսելով՝ փախած պիտի ըլլայ, և մէկ տեղ մը ծածկուած, ինչուան որ իր տըղան գտնայ: Թէ որ տղան հետգ ասնիս, կարելի է Թէ գաղղիացուց աչքին զարնէ, ու մայրը մէյ մ'ալ չգբտնայ տղան:

— Իրաւ կ'ըսես, պատասխանեց Լորենցիոս, վաղը ես մինակ կ'երթամ, և լուր մը կ'առնեմ:

— Այնպէս է այնպէս, կրկնեց Յոհաննան շատ լաւ կ'ընես որ առտուն կանուխ երթաս. վասն զի ես հիմա կ'երեւակայեմ որ խեղճ՝ մայրը ինչ մըս-

մըտուքի մէջ պիտի ըլլայ: Շիտակը
ես ցաւէս կը մեռնէի թէ որ իմ որ
դուոյս մէկը կորսուէր օտար երկիր մը:
Որովհետեւ վաղը Վալաէնպէրի կ'եր-
թաս, եկու հետդ քանի մը վառեակ
ալ տար. ու ծախէ:

— Շատ լաւ, ըսաւ Լորենցիոսը.
ան հաւերը ինձի հրամանագրի տեղ
կըլլան, որ պահապանները թող տան
երթալու ան պանդոկը ուր Լուգո-
վիկոս կ'ըսէ թէ ինչէր էր մայրը: Հոն
կը հարցնրեմ կ'իմանամ, մօրը պահու-
ած տեղը:

— Քիչ մը դժար բան է ընելքդ,
ըսաւ Յոհաննան. բայց բարի գործք
մըն է, յուսամ որ Աստուած մեզի օգ-
նէ. ապա թէ ոչ ես զքեզ չէի թողուր
որ երթաս, բոլոր աշխարհքիս ոսկին
ալ տային ինձի: Պարտքերնիս է աղէկ
բան ընելը, Աստուած ալ միշտ բարե-
րարին օգնական և առաջնորդ է:



ԳԼՈՒԽ Գ.

Մօր մը սրտմաշոշոքր.

Երբորօր օրը արեւը ծագած չծա-
գած, մեր պատուական վարձուօրը,
զամբիւղը շալկեց հաւերն ալ մեկտեղ
սկսաւ դէպ ի Վալաէնպէրի երթալ:
Քանի մը ժամէն ետեւ նորէն դարձաւ,
բերելով կնոջը պարապ զամբիւղը և
ծախածին ստակը:

Լորենցիոսն ստաւ, և ճակտին քրտին-
քը սրբելով, այսպէս խօսեցաւ:


— Երէկ կանուխ հասեր են Վալ-
տէմպէրի, շատ կառքեր փախստական
մարդիկներով դաղլիացի զօրքերէն:
Իսկ ցորեկուան մօտ ուրիշ այնչափ
մարդիկ ալ եկեր են՝ որ պանդոկները
պարապ տեղ չէ մնացեր. հոն ուղեր
են աս խեղճերը պատառ մը բան ու-
տել, և ձիերը հանգչելէն ետեւ աւելի
հեռու տեղ երթալ: Փախչողներուն
մէջն էր Լուգովիկոսի մայրն ալ. շնորհ-
քով ու աշնուական խաթունն մը. և
կերակուրի ատենը կը կանչէ զաղան

կարծելով որ պարտեզը ըլլայ. բայց պատասխան չկայ: Վեր վար Թղան փնտռելու ատեն, գունդ մը աւստրիացեաց հեծեալներ կը համնին ու կ'ի մայնեն որ գաղղիացիները ետևնուն կու գան. աս խօսքերուն վրայ հրացաններու ձայն կը լսուին: Ամենուն սիրտը կը փրթի. քշուածները սեղանէն կ'ելլան, կը վազեն ձիերը կապելու որ փախչին. խեղճ մայրը երկու կողմէն մեծ նեղութեանց մէջ կ'իյնայ ու մեռելի գոյն կը դառնայ, մէյ մը ասդիս կը վազէ մէյ մը անդին, մազերը ցրուած, լալով ու ձեռուըները շարժելով որոնց որ կը պատահի կ'աղաչէ կ'երգուընցնէ որ օգնեն իր որդին փրկալու: Բայց հրացանին ձայները երթելով կը մտենային, և խեղճ մօրը ընկերները կ'ստիպեն շուտով երթալու որ վտանգի մէջ չիյնան, ու նորէն գերի դառնան Գաղղիա: Իսկ ան կը կանչէր. Ալ լաւ է մեռնիլ քան թէ տղաս հոս թողուլ:

Ան ատենը ծեր մը ասոր կը հաւատընէ թէ տղագ իրեն հասակակիցներուն հետ միատեղ կառքի մը մէջ գրուեցաւ շփոթութեան առջի նշան տրուած ատենը: Մայրը չհաւատար կը վա-

զէ պանդոկը. հարցնելու թէ արդեօք իրաւ է անոնք ալ այնպէս է կ'ըսեն. կամ լաւ չիմանալով ըսածը, կամ ան ծերուն խրատովը զինքը ապատելու համար: Մայրը մարմնիկած ուզելով չուզելով կառքը կը մտնայ, և անոնք հազիւ թէ կ'երթան, գաղղիացիք կը մտնան գեղը, և կը նստին քշուածներուն թողուցած սեղանին: Այստես խեղճերուն, ըսաւ Յոհաննա, բայց իմացա՞ր խաթունին ո՞վ ըլլալը. անունը հարցուցիր: — Տուվալ խաթուն կ'ըսուի եղեր. ու կ'երևայ թէ ատենօք հարուստ եղած է, բայց հիմակ կարօտութեան մէջ էր. և ինչպէս ըսին զգեստը պարլ՝ առանց ոսկիի և բարակ զարդերու, նոյնպէս կառքն ալ, սնանկն ալ պղտիկ. իրեն ու տղուն և ան ծեր քշուածներուն համար պատրաստուած կերակուրն ալ շատ սակաւապետ: Անոր համար պանդոկայետին կինը որ գաղղիերէն գիտէ, շատ գովեց աս կնկանը համեստութիւնը և անուշկերպը: — Խեղճ մայր, կանչեց Յոհաննան լալով, ի՞նչ կսկիծ պիտի ունենայ երբոր որդին չգտնայ կառքին մէջ: Թշնամի գունդերը չեն թողուր, իրեն ետ գառնալ, ուրիշ

201- յ 6



տեղէ ալ չկրնար խմանալ թէ ի՞նչ պաւտասէր է օտար ժողովրդեան մէջ կորստուած տղուն. կը վախնայ որ շատ աւտենէ ետքը և գուցէ ոչ երբէք գտնայ զանիկայ: Անանկ սիրալիր մօր մը աւկէց աւելի մեծ ցաւ կրնայ ըլլալ:

Ես ալ շատ կը ցաւեիմ վրան. ըսաւ Լորենցիոսը, բայց ո՞ւր է տղան, գեռ չարթընցա՛ւ, չէլա՛ւ:

— Վայ ինձի, պատասխան տուաւ Յոհաննան, խեղճ տղան չիմայ անուշ քուն կ'ըլլայ. բայց երբ արթըննայ ինչ տիտուր լուր պիտի տանք իրեն:

Իրաւ է ըսածդ, բայց ի՞նչ ճար կըրնանք ընել: — Ես ուրիշ բան չեմ գիտեր, բայց եթէ Աստուծմէ մեզի տրուած սեպեւորդ աս տղան, պահէնք ինչուան որ մայրը գտնուի: Կարծեմ որ Աստուած կամաւ զբեզ ան կաղնիին մօտ բերաւ, խեղբիւն աղօթք ընելու ատենը:

— Ըսածդ աղէկ է. բայց թէ որ պատերազմը երկայն քըջէ, և կամ, (Աստուած չի ցուցնէ) թէ որ մայրը մէյ մ'ալ ետ չգառնայ, թէ որ մեռնելու ըլլայ, մենք ի՞նչ պիտի ընենք:

— Ան ատենը մերիններուն չեա կը մեծցընենք անիկայ. ուր որ վեց հոգի

կը կերակրին, հոն կրնայ եօթը հոգի ալ պահուիլ: Անտարակոյս Աստուած կ'օրհնէ աս քիչ շահերնիս, թէ որ մաս հանենք ան խեղճին ալ: Ան որ հինգ հացով հինգ հարիւր մարդ կերակրեց, նոյն տէրը հիմակ ալ կը հոգայ զմարդ:

— Իրաւունք ունիս, պատասխան տուաւ Լորենցիոսը, բայց թէ որ մեզմէ հարուստ մէկը գուժ ունենայ աս տղուն վրայ և ուղէ տունը առնել, կարծեմ աւելի լաւ կ'ըլլայ:

— Ա՛տ՛ ան ատենը կ'ըլլայ երբոր իրենք ուղեն. չէ նէ ես չեմ ուզեր հարուստներուն բերան ծռել. վասն զի դեժած սիրտը հարստութենէն չկախուի: Անոնք մեզմէ աւելի լաւ կրնան յին նայիլ աս տղան, բայց այնչափ լաւ սրտով կը նային արդեօք: Ես իրաւցընէ մօր պէս կը սիրեմ զանիկայ, և չեմ տարակուսիր որ դու ալ հօր պէս կը սիրես:

— Ինչո՞ւ չէ, կրկնեց պատուական վարձուորը. և սկսաւ մտածել թէ իրենց քիչ շահովը կրնա՞ր կերցընել և հապցընել Լուգովիկոսը. բայց ինչ ճամբայ որ բըռնէր, միշտ պակաս բան մը կը գտնար: Ան ատենը Յոհաննան, իր հաշիւները կտրեց, ըսելով. — Եր.

բոր մէկը կուզէ բարիք մը ընել, պէտք
 չէ շատ մանր համբանքներ ընէ. այլ
 վստահ ըլլայ Աստուծոյ առատութեա-
 նը վրայ: Ըսենք թէ մեր պզտիկ
 կոտորադուր ասորաշխարհի մէջ գանու-
 էր առանց օգնութեան. չէի՞նք փա-
 փաքէր որ մարգասէր տանուտէր մը
 դուրս ունենար, ու իր ծածկին տակ
 տեղ մը տար՝ իրեն որդւոցը հետ:
 Արեւմտեան բանը որ մեզի կ'ուզենք,
 պէտք է որ մենք ալ ուրիշ ընենք:

Այսպէս ըսելով, արցունքները կը
 սրբբէր:

Լորենցիոսի սիրտը շարժած, ես սի-
 րով կը հոգայի, ըսաւ, աս տղան, բայց
 մեր ազգատու-թիւնը զիս տարակուսի
 մէջ ձգեց:

— Է՛հ, կրկնեց Յոհաննան, մենք կար-
 ծածնէրնէս աւելի հարուստ ենք, դու
 կ'ուզէիր ինձի համար զգեստ գնել՝ աս
 օրերս ըլլալու տօնավաճառէն. ահա ան
 ստակը Լուդովիկոսի համար գործա-
 ծէ:

— Շատ լաւ և աղինը սիրտ ունիս,
 քուրուկ, կանչեց Լորենցիոս զուարթ
 երեսով, ես ալ պիտի ջանամ՝ որ իմ
 հաբած զգեստս աարիէն աւելի գիմա-
 նայ. աս կերպով կրնանք առեն մը Լու-

դովիկոսը հոգալ. մնացորդը Աստուած
 տեսնէ: Աս խօսքին վրայ Լուդովիկոս
 ալ ներս մտաւ, և բարև տալով անոնց,
 աղաչեց վարձուորին որ ձին պատրաս-
 տէ՝ զինքը մօր տանէլու համար:

— Սիրելի Լուդովիկոս, պատասխա-
 նեց Լորենցիոս, քու մայրդ երէկ էլեր
 է Վալտէնպերկէն, և հիմայ խել մը հե-
 ռացած է: Չքեզ չտեսնալուն համար
 շատ արամեր է, բայց ստիպուեր է
 գեղէն ելլալու. վասն զի Թշնամի զօր-
 քերը վրայ հասեր են: Հիմայ անթիւ
 զօրքեր մօրդ ու քու մէջերնիդ կե-
 ցեր են, այնպէս որ անկարելի է հաս-
 նիլ անոր: Աս խօսքերը լսածին պէս
 Լուդովիկոս լաց մը փրցուց սաստիկ
 հեծկըլտալով Յոհաննան նստաւ ա-
 թուին վրայ, գիրկը առաւ տղան, և
 արցունքները սրբելով. — Մի լար սի-
 րուն տղաս մի լար, կ'ըսէր, համբերէ
 ու վերջապէս կը տեսնաս քու աղինը
 մայրդ, չիմըկու հիմայ ես քեզի մայ-
 րու թիւն կ'ընեմ. զքեզ գտնողը հայրդ
 կ'ըլլայ, մեր տղաքներն ալ զքեզ եղբօր
 պէս կը սիրեն:

Լուդովիկոսը չէր ուզեր բանի մը
 մտիկ ընել, ու շարունակ կու լար. ան
 ասէն Յոհաննան ուրիշ փորձ մը ընէ-

լու համար, տարաւ զինքը դուրսի դա-
ւիթը, ըսաւ էրկանը որ հանել տայ
մտրուկը արտուէն: — Ո՛հ. ինչ գեղեցիկ
ձիուկ է, կանչեց Լուգովիկոսը. Լու-
րենցիոս վերցուց վրան դրաւ տղան,
ու սըտըրացուց դաւիթին մէջ. ինքը
ձիուն չուանէն բռնած. Լուգովիկոս
ուրարուեթէնէն մոռցաւ ամէն բան, և
արցունքներուն մէջէն ծիծաղելով կ'ը-
սէր:

Վաղը կամ մէկալ օր պիտի երթամ
աս պզտի ձիով իմ մայրս գանալու:
— Ահա մխիթարուեցաւ գնաց, ըսաւ
Յոհաննան. տղու մը սրտէն արտմու-
թիւնը փարատելու համար, պետք չէ
շիտակ գէմը տունու, հապա նոր բան
մը մէջ ձգել: Մեղի ալ սասնկ կ'ըլայ
չատ անգամ. իմ վրաս երբոր տրամա-
լի մտածմունք մը կու գայ, մէկէն
երգ մը կ'երգեմ, կամ կը խօսիմ պզտի
տղոցս հետ, կամ բան մը կը պատ-
մեմ, կամ պարտեղը կը նայիմ ծաղ-
կրներուն վրայ ու կը զուարճանամ:
Քանի մը օր առաջ տրտմութիւն մը
էկեր էր վրաս, մէյ մ'ալ Եղիսաբեթը
ինձի փունջ մը ծաղիկ բերաւ որ ին-
քը ժողկեր էր, ամէն տրտմութիւնս
փարատեցաւ: Իրաւ է որ աս անմեղ

հնարքը ամէն անգամ չէն կրնար նե-
ղութիւններու դէմ կենալ, բայց ան
ատենը աչքերս վերցնեմ, և կը մտա-
ծեմ Աստուծոյ անչափ բարութիւնը՝
որ հոգ կը տանի մեր ամէնուս վրայ,
և աս աշխարհքիս անցաւոր նեղու-
թիւններէն վերջը յաւիտենական ու-
րախութիւններ մեզի կը պատրաստէ:
Այսպիսի խօսքերով, էս աւելի ուժով
ցայ. և իմ սիրտս քիչ ատենի մէջ
գոտաւ իր հանգարտութիւնը և ուրա-
խութիւնը:



ԳԼՈՒԽ Դ

Գեղիև բնակիչքը .

ՇՈՒՏ մը գեղին մէջ իմացուեցաւ պզտիկ գաղղիացւոյն հասնելը, և ա՛ մէնուն հետաքրքրութիւն մը կհաւ զա նիկայ տեսնալու . շատ կնկախք և տղաք վազեցին Լորենցիոսի տունը : Գեղացիներուն սովորութիւնն էր ժողվուել ամէն իրկուռն ժամին գիմացի հրապարակին ուռնիներուն տակ, և հոն նստած զրուցելով սագիէն անդիէն կը զրուցէին : Ան իրիկուռն Լուգովիկոսն էր եղած ամէնուն խօսակցութեան նիւթը : Լորենցիոս տեսնալով որ գեղին վերակացուն կու գայ, տղուն ձեռքէն բռնեց, և անոր ասնելով ըսաւ :

— Գիտնաս որ աս տղան ես պիտի պահեմ իմ տունս մինչև որ իրեն մայրը գտնուի :

Գեղացիները շատ գովեցին Լորենցիոսը իր գթութեանը համար, բայց ու մանք ալ աս գատմունքը ըրին, որ ինքը արդէն սնուցանելու շատ տղաք ու

նենալով, այնչափ խոհեմութիւն չէր նոր բեր մըն ալ աւելցնելը : Անոնց մէջէն կղոզիոս անունով մէկը որ ցածին մէկն էր և գաղտուկ թշնամի Լորենցիոսին, էլաւ խօսք մը ձգեց թէ պէտք է շուտով գեղէն գուրս վըռնստենք աս պզտիկ գաղղիացին . — Գուք գիտէք, կ'ըսէք, որ աս քուածները Գաղղիոյ թշնամի կը սեպուին . և հիմայ հասարակապետութեան զինուորներնքը հասնելով, եթէ տեսնան որ մենք անոնց աէր կը կենանք ու տեղ կու տանք, կը սկըսին թալլել մեր տուները, և կրակի տալ : Ո՛վ Աստուած, հիմըկուռնէ աջբիս առջևը կու գայ ան սարսափելի թշուառութիւնը : Գեղի վերակացուն բարկութեամբ մը նայելով Լորենցիոսի վրայ, խօսքը տասնկ վերջացուց . Ես կ'ուզեմ որ փախտաւկան տղան մինչև սահմանագլուխը տարուի . Լորենցիոսն ալ պատժուի քուածներուն կռակ կենալուն, և ամէնուս վրայ թշուառութեան գունքը բանալուն համար :

Գեղացիներէն շատը, աս խօսքերէն սարսափած, վերակացուն կարծեսցը միաբանեցան . բայց ուրիշները աւելի խելացի գտնուելով, սկսան յանդիմա

նեւ Կրող խորը, և այսպէս մէջերնին մեծ կռիւ մը ելաւ, ամէնքը սկսան կանչուռտել: Գեղին բնակիչները՝ երեսասարգ ծեր ու տղայ և կնկախք, ամէնքը վազեցին տեսնալու թէ ինչ կայ, ինչ է եղածը: Կռիւը երթալով կը տաքնար. քայց գեղին երէցը վրայ հասնելով, սկսաւ ըսել.

— Սիրելի բարեկամներս, ինչո՞ւ պարագայ տեղը կը նեղանաք. կասկածնի՞ք և վտանգը միայն գլխի տաքութենէ առաջ եկած բան մըն է. վասն զի մեր գեղին համար ամենեւին վտանգ մը չկայ: Ան կարի՞ճ գաղղիացի պատերազմողները կարծէք թէ այնչափ ցած են, որ պատժեն զձեզ թէ ըջուռու տղայ մը կը պատէ շուրջ համար, որ և ոչ քաղաքական պատերազմի մէջ մանելու բաւական հասակ ունի. մանաւանդ թէ անոնք զձեզ կը պաշտպանեն՝ տեսնալով ձեր ըրած բարիքը աս անօգնական տղուն վրայ: Եւ թէ որ ձեզմէ մէկը ասոր համար պըզտի լիստի մը հանդիպի, թող ինձի սեպուի ան լիստը: Գաղղիացւոց ըսէք թէ մեր ժողովրդապետը խորհուրդ տուաւ ընդունելու աս տղան. ես կարող եմ զիս արդարացնել: Ես աս առածին

կը հետեւիմ, թէ « ըրէ բու պարտքդ, և բանէ մը մի վախնար »:

Այսպէս խօսելով երէցը՝ բռնեց Լուգովիկոսի ձեռքէն, որ կու լար՝ ասանսակս տիկ վէճի մը պատճառ ըլլալուն համար, և ան պատմութեան առջին հանելով՝ ըսաւ, Տէրն մեր Յիսուս որ մը առաքեալներուն առջևը կեցուց տղայ մը և ըսաւ իրենց. Ով որ ընդունի ասանկ տղայ մը, զիս կ'ընդունի. գարձեալ ապսպրեց, չըլլայ թէ աս պղտիկներէն մէկը արհամարհէք, վասն զի չուզեր ձեր երկնաւոր հայրը որ անոնցմէ մէկը կորսուի: Այսպէս հրամայեց մեր Փրկիչը. սիրելի բարեկամք հիմայ աս տղան ալ կորսուած էր, քաց մեր բարի Լորենցիուսը զինքը գտաւ, և տարաւ իր տունը: Դուք կ'ուզէք որ հիմայ նորէն թողունք ասիկայ, և երթայ մուրալով աշխարհքիս մէջ թափառական պաղտի կորսուած գաւնուկի մը պէս: Թէ որ ասանկ ընելու ըլլաք, կը տրտմեցնէք Աստուծոյ հրեշտակները, որոնց սիրելի են տղաքը՝ կը թշնամանէք զԱստուած՝ որ իրեն կը սեպէ տղոց եղած ամէն լիստը: Չէ չէ, սիրելիք, ես կեցէք աս մտածմունքէն, ու ջանացէք

արժանի ըլլալու երկնային օրհնութեանը. գուժ ցուցնելով աս խեղճուկին վրայ՝ ինչպէս բարի Լորենցիոսը. որպէս զի Աստուած ալ ձեր որդւոցը վրայ գուժ ունենայ: Հիմայ որ մենք հոս կեցեր ենք աս ծառին տակը, ձեր տղոցմէ քանինքըը պատերազմի մէջ պաշարուած են ամէն վտանգներէ. ո՞վ գիտէ որ ան կտրիճներէն մէկը իր ընկերներէն հեռու՝ օտար երկրի մը մէջ վերաւորած երեսի վրայ թողած ըլլայ, և Աստուած ձեր աս դժուրութեանը նայելով անոր ալ բարեբար մարդ մը չի՞ զրկեր իրեն՝ օգնելու համար:

Աւագերէցը երբոր աս խօսքը կ'ըսէր, շատ մայր, քոյր, և նոր հարսեր սկսան լալ, ծերերն ալ չկրցան արցունքնին բռնել: Ամէնքը խօսք տուին հեռակէլու իրենց յարգելի հովուին. իրապէս սկսան գովել Լորենցիոսը, և յանդիմանել չարասիրտ Արդիոսը, որ սուտախերով գիղէնք պղտորէց: Իսկ մեր պղտի Լուգովիկոսը շնորհակալութեամբ պագաւ երկցուն ձեռքը. ան ալ ապսպրեց տղուն որ երկրորդ օրը իր տունը գայ:

ԳԼՈՒԽ Ե

Երրորդ գլուխը.

ԱՌԱՍՈՏԸ Լուգովիկոս ելաւ պատրաստուեցաւ իր այցելութիւնը ընելու. մաքրեց լաւ մը իրեն կապոյտ զգեստը, և աղաչեց Զոհանային որ քիչ մը մազերը շքակէ. Գորբատոսին յարգէ գլխարկը առաւ ու գնաց: Աւագերէցին տունը մտնալուն պէս, բարև տուաւ, ու ըսաւ, ահա կուգամ շնորհակալ ըլլալու հրամանքիդ, երէկ զիս պաշտպանելուդ համար:

Աս ժողովրդապետին յարգելի ծեր մըն էր, և տղոց վրայ շատ սէր ունէր, գաղղիներէն լաւ կը սասկնար, և իր գրքարանին մէջ շատ գաղղիներէն գրքեր ունէր. բայց ամենևին վարժութիւն չէր ըրած խօսելու, առիթ չուներնալով վարժելու ան գեղին մէջ, ուր քառսուն տարիէ ի վեր կը բնակէր: Ուստի սկսաւ Լուգովիկոսի հետ գերմաներէն խօսիլ. բարևը առաւ, և հրաւիրեց քովը նստելու: Խօսակցու-

Թիւնը գիտելով աւագերէցը, իմացաւ որ Լուգովիկոս աղէկ կը թուէ թիւն մը առած է, և իրեն մայրը աղնիւ սիրտ մը և հարուստ միաք մը ունի եղեր: Վերջը, — Նայինք կարգաւ գիտես, ըսաւ:

— Պատասխանեց Լուգովիկոս, դադարէրէն կարգաւ գիտեմ, բայց գերմաներէն դեռ չէ:

Աւագերէցը գնաց դրքարանէն գաղարկէրէն գիրք մը բերաւ Լուգովիկոսի առջևը դրաւ, ան ալ կարգաց մեծ գիւրու թեամբ և լաւ հնչմամբ:

— Քեզի սիլ դատուուաւ, հարցուց աւագերէցը զարմացած:

— Իմ մայրս, պատասխանեց Լուգովիկոս, էս չեմ ունեցած ուրիշ վարպետ:

Աւագերէցը հարցուց կրօնքի բաներու վրայ. Լուգովիկոս պատասխանեց ամէն հարցմունքին բարեպաշտութեան հոգով մը: Խօսեցաւ նաև կոտրուկ սրտով Աստուծոյ Բարու թեանը վրայ առ մարդիկ. ստեղծողին նախախնամութեանը վրայ, որ մեզի սգտակար կ'ընէ քաջած նեղու թիւննիս. և ան վստահութեանը որ պիտի ունենանք առ Աստուած. դարձեալ, յաւիտենաւ

կան կենաց համար՝ որ պիտի վայլենք մէկալ աշխարհքին մէջը, թէ որ պահէնք Աստուծոյ պատուիրանքները:

Բարի ծերը կ'ուրախանար ասոնք լսելով — Կը տեսնեմ, ըսաւ, որ մայրդ արպաւորեր է սրտիդ մէջ ան պատուիրանքները՝ որոնք զինքը զօրացուցեր են իր թշուառութեանցը մէջ. իրաւցընէ՝ քրիստոնէի մը մեծ մխիթարութիւն է իր քաջած վիշտերը Աստուծոյ սիրոյն համար: Գու ալ շատ բազմապաւորես, որ ասանկ լաւ մայր մը ունիս. իմ սիրելի աղա:

— Ո՛հ ի՞նչ պատուական, ի՞նչ սիրելի մայր է իմ մայրս, կանչեց Լուգովիկոս աչուրները արցունքով լեցուած. զիս ալ ի՞նչպէս կը սիրէր, չեմ կրնար ըսել: Շատ ջերմեռանդ է իմ մայրս, ամէն օր՝ առաւօտ իրիկուն աղօթք կ'ընէր ինձի հետ, մասնաւորապէս հօրս համար, խնդրելով Աստուծակէ՛ որ օր մը նորէն արժանի ընէ մէկ զմէկ տեսնալու. և դարձրնէ զանիկայ իր հայրենիքը. մեղք իմ խեղճ մօրս. ա՛խ, որչափ կը տրտմէր հայրենիքէն հեռանալուն և հօրմէս բաժնուած ըլլալուն համար: Թէ որ մէկը վրայ հասնէր, մէկէն կը ջանար հանդարտ երևնալու,

և ոչ երբէք մէկու մը գանդատեր էր : Միայն իրիկոճները սենեակ մտած աւտենը՝ կը հառաչէր՝ արցունքոտ աչքերը երկինք վերջընէլով :

— Լաւ է, լաւ է, ըսաւ երէցը . Աստուած կը լսէ թէ իրեն, և թէ քու աղօթքիդ :

— Ես ալ այնպէս կը հաւատամ, կրկնեց Լուգովիկոսը, բայց քանի մը բան կայ որոնց չեմ կրնար խելք հասցընել : Երբոր էս կ'աղօթէի անտառին մէջը, Աստուած ինձի շուտ մը մտիկ ըրաւ ու խաւրեց բարի Լորենցիոսը . բայց ահա իրեք օր է որ իրեն կ'աղաչեմ որ զիս մօրս քով տանի, և կ'երեւայ որ չուզեր լսել աղօթքիս : Երտակը թէ որ էս իրեն տեղը ըլլայի, շուտ մը մտիկ կ'ընէի մարդկանց, և կուտայի ամէնուն իրենց ուզածը :

— Ան ատենը անոնց մեծ թշուառութեանց պատճառ կ'ըլլայիր սիրելի Լուգովիկոս . Աստուած որ ամէն բան կը ճանչնայ, գիտէ ինչ պէտք է մարդկանց : Ինքը ամենէն խելացի է, և միշտ մեր բարիքը ուզելով, չի կրնար յանձն առնուլ մեր ամէն ուզածը, կամ գոնէ ան կերպով որ մենք կ'ուզենք : Եստ անգամ մարդկան փափա

քը անկար է . և շատ բան որ մենք օգտակար կը կարծենք, կրնան զնասակար ըլլալ մեզի : Բայց աղօթքը աւտենիին պարագայէ . Աստուած երբեմն իրենց օգնութիւնը ուշ կու տայ, բայց միշտ ան կերպով որ աւելի շահաւոր ըլլայ մեզի : Տես՝ հիմայ ինքը զքեզ հողալով նոր ծնողք տուաւ քեզի . ասանկ ալ կրնայ մխիթարել քու մօրդ սիրաը, և զքեզ օր մը իրեն գիրկը տանիլ :

— Ո՛հ, իմ սիրելի մայրս, կանչեց աղան՝ խաջածև գնելով ձեռուընները կուրծքին վրայ, ա՛հ չեմ կրնար բացապրել որչափ կը սիրեմ զքեզ, և որչափ կը ցաւիմ որ իմ անխեղբու թեանս համար սիրտդ կտարած եմ : Ա՛հ, ո՛վ գիտէ, որչափ պիտի ցաւի իմ պատճառաւ :

Այսպէս ըսելով Լուգովիկոս, սկսաւ լալ :

— Թող, թող, պէտք չէ այնպէս տըրամիս տղաս, ըսաւ ծերը, այլ նայէ որ ջերմեռանդ ըլլաս ու աշխատասէր : Ես ամէն օր քանի մը ժամ քեզի դաս կու տամ . գաղղիբրէն կարգալ լաւ գիտես, պէտք է որ գրել սորվիս, նոյնպէս գերմաներէն ալ կարգալ : Ես ջա

նամ պիտի սորվեցնել քեզի ինչ որ
օգտակար կ'երևնայ ինձի: Աշխու Լո-
րենիորսը և իրեն կ'ինը թող կու տան
որ դաս ինձի: շխմ գնա, սիրելի
Լուգովիկոս, և ալ մի լար: Աստուած
կրնայ ուրախութեան փոխել քու ցա-
ւերդ, և քու մայրդ մխիթարել:

Լուգովիկոս ժողովրդապետին տը-
ւած դասերուն լաւ ուշ կը գնէր, և
ուսման ժամերը իրեն համար օրուան
ամենէն զուարճալի ժամանակն էին:
Շատ փափաք ունենալով գիտութեան,
նոր նոր հարցմունքներ կ'ընէր. ու
րոնք առիթ կ'ըլլային զուարճալի և
խելք բացող խօսակցութեանց: Ինքն իր
կողմանէ շատ խելք կը բանեցընէր, և
միշտ շնորհակալ կ'ըլլար իր վարպետէն:

Ժողովրդապետին անուանը տօնա-
խմբութեան առջի օրը, Լուգովիկոս
աղաչեց Յոհաննային որ քիչ մը ստակ
տայ իրեն: Ան ալ հարցուց թէ ի՞նչ
պիտի ընես,

— Կ'ուզեմ՝ ըսաւ, բան մը գնել ժո-
ղովրդապետին համար:

— Իայց ի՞նչ կրնաս գնել քիչ մը
ստակով:

— Գլխեմ որ ինքը ծաղիկ շատ կը
սիրէ՝ մանաւանդ վարդը: Զաղացաւ-

նի պատշգամին մէջ գեղեցիկ վարդե-
նի մը կայ՝ որուն ծաղկըները բացուե-
լու վրայ են. ես աղաչեցի ջաղաց-
պանին որդուոյն որ քանի մը հաս
տայ ինձի. ան ալ ուզեց որ ծախէ:

— Շատ աղէկ, կրկնեց Յոհաննան ծի-
ծաղեցով մը, ուրախ եմ որ դու կը
պատուես ժողովրդապետը, և ահա
ստակը քեզի կու տամ ուզածդ առ:

Լուգովիկոս մէկէն վաղեց ջաղացքը՝
ծաղիկ գնելու:

Տղայ խեղճ էս, պատասխանեց ի-
րեն ջաղացպանը, որ ստակդ ատ չբա-
ցուած վարդերուն համար կ'ուզես
տալ: Սպասէ տանը՝ ինչ օր մը, և
այնչափ վարդ կը բացուի, որ աժան
գնով կրնաս շատ գնել: Ինչո՞ւ կ'ու-
զես նմանիլ անոնց՝ որ չեն ամբնար
տալու իրենց ստակը անանկ պոռուղ
մը գնելու համար, որ շաբաթէ մը
վերջ աժան աժան կը ծախուի: Պէտք
է տղաս՝ քիչ մը սպասել, ժամանակը
վարդերը կը ծաղկեցընէ: Լուգովի-
կոս արտմութեամբ պատասխանեց՝
թէ իրեն համար չէր գնելիքը, այլ
պարզև պիտի տար ժողովրդապետին
իրեն անուան օրը. — Ասոր խօսք չի
կայ, սիրելիս, բայց ստակդ քեզի պա-

չէ. վասն զի ես քեզի չէ թէ միայն
 փունջ մը վարդ կու տամ, հասա
 ամբողջ վարդին տունկը: Մեր պատուա-
 կան ժողովրդապետին համար ի՞նչ
 ալ ընենք, կ'արժէ:

Ի՞նչ ուրախութիւն եղաւ Լուգովի-
 կոսին, երբ ծափելով առաւ վարդե-
 նին, զարկաւ կոնակը և վազելով ա-
 լագերիցուն գնաց, ու պարգևեց ի-
 րեն՝ ըսելով աս խօսքը, որ կարդացեր
 էր գրքի մը մէջ. « Աստուած վարդով
 զարդարէ կենացդ ճամբան », :

— Ո՛ւսկից առիւր աս գեղեցիկ վար-
 դենին, հարցուց երէցը՝ սիրտը շար-
 ժած. Լուգովիկոս պատմեց իրեն թէ
 ինչ կերպով ստացեր էր, և ժողովըր-
 դապետը շատ հաւնեցաւ աշկերտին
 վրայ, որ այսպէս ջանացեր էր իրեն
 հաճոյ եղածը իմանալ և ընծայել:

— Աստուած օրհնէ զքեզ, սիրելի
 Լուգովիկոս, ըսաւ գուն ալ հիմայ
 կը նմանիս աս գեղեցիկ վարդի ծաղ-
 կընէրէն մէկուն. նայէ որ միշտ լաւ
 և բարեպաշտ ըլլաս, ան ատեն աս
 վարդերէն աւելի գեղեցիկ կը մեծ-
 նաս:

Ետքը երբոր Լուգովիկոսի անուան
 օրը եկաւ, ժողովրդապետը իրեն պար-

գևեց աղօթագրքոյկ մը գաղղիերէն,
 գեղեցիկ կազմած ու ոսկեգօծ, որուն
 վրայ գրեց սուրբ գրքին աս վճիռը,
 ,, Գեղեցկութիւնը և մանկութիւնը
 ծաղկի պէս կ'անցնին, իսկ ով որ Աս-
 տուծոյ կամքը կը կատարէ, յաւիտեան
 կը մնայ ,, :

Լուգովիկոս մեծ ուրախութեամբ
 ընդունեցաւ գրքոյկը, ըսելով ժողովըր-
 դապետին, թէ ինձի ասկէ հաճիլի ըն-
 ծայ չէր կրնար ըլլալ: Եւ իրաւցընէ
 որ այնպէս էր, վասն զի մէջը շատ
 գեղեցիկ աղօթքներ կային, որ տղան
 առտու իրկուն կը կարդար, թէ եկե-
 ղեցւոյ մէջ և թէ իր տունը:



ԳԼՈՒԽ 2

Գեղջկահաւն կեսակը .

Քիչ ատենուան մէջ պլախ Լուգո-
վիկոսը վարժեցաւ իրեն նոր բնակա-
րանին սովորութեանցը, ու Լորենցիո-
սի և Յոհաննային սիրաը շահեցաւ .
տղաքն ալ եղբօր պէս կը սիրէին
զինքը: Անոր վրայ ամէնուն ջըցուցած
գուլթը՝ մոռցնել տունն անոր թէ օ-
տար տան մէջ է: Թէպէտ սիրաը միշտ
կը վառէր մայրը տեսնալու փափաքով .
բայց կը մխիթարուէր յուսալով թէ
քիչ քիչ ատենէն պիտի դանայ, և
տղայական բնութեան աս ուրախու-
թիւնը, քիչ ժամանակի մէջ իրեն տխուր
մտածմունքները սրտէն հանեցին: Այն-
պէս կայտառ էր, և անուշ բնաւորու-
թիւն մը ունէր, որ դեղին մէջը ամէն-
քը երթալով աւելի կը սիրէին զին-
քը:

Առջի բերանը գիւղական կեանքը ի-
րեն հաճոյ չէր. իր պանդխտութեան
երկրորդ օրը, որ քիչ մը սովորակա-

նէն աւելի ուրախ էր. առաւօտանց
գնաց գեղին տղոցը հետ տեսնալու լի-
ճը, և չորս կողմը պառտելէն ետքը
դարձածին պէս, մէկէն հարցուց թէ
պատրաստ է գահվէն:

— Սիրելի Լուգովիկոս, ըսաւ Յոհան-
նան ժպտելով մը, պետք է որ վարժիս
մեր սովորութեանցը: Հարուստները
գահվէն կը խմեն առտուանց կաթին
հետ, իսկ մենք աղբատներս կաթը կը
խմենք առանց գահվէի, որ աւելի ա-
ժան և առողջարար է. փորձէ ու տես:

Սասնկ ըսելով բերաւ իրեն աման
մը կաթ և մեծ կտոր մը կարմրցու-
ցած հաց: Լուգովիկոս, երկան ատեն
վազելով դաշտերը յոգներ էր. շատ
ախորժելով նախաձայնիկը ըրաւ, և ը-
սաւ իրեն մօրը թէ այնչափ համով
չէր եկած իրեն գահվէն. և անկէց
ետքը կ'աղաչէր՝ որ իրեն միշտ կաթ
տայ: Վարժեցաւ նաև ընտանեաց պարզ
կերակուրներուն. վասն զի աշխատե-
լով ամէն կերակուր իրեն ախորժելի
կ'երևնար, և ժուժկալուութեամբ ա-
ռողջ և ուժով կը մտար:

Մինչև ան ատենը մէկ նեղ փողոցի
մը մէջ սնած ըլլալով, իմացաւ հիմա
որ շինական կեանքն ալ ունի իր զը-

ւարձութիւնը: Յոհաննա որ շատ կը զուարճանար բնութեան գեղեցկու-
թիւնով, կը ջսնար որ նոյն դգաց-
մունքը իրեն որդուցը և Լուգովիկո-
սին սրտին մէջ ալ արթնցնէ. որուն
հետ անկէ վերջը կրնար գիւրաւ խօ-
սիլ, բաւական սորված ըլլալով գեր-
մաներէն լեզուն:

Օր մը Յոհաննան՝ սենեակը, պա-
տուհանները և հայլին լաւ մը մաքրե-
ր էր, երբոր ներս մտաւ Լուգովիկոսը,
ու ըսաւ:

— Աս սենեակը իրաւ գեղեցիկ է բայց
ես քաղաքը աւելի գեղեցիկները տե-
սեր եմ, ուր պատերը ծածկած էին
մեծ պատկերներով, պատուհաններուն
մէջ տեղը հայլներ ոսկի շրջանակով.
և գետինը աղուոր կապերտ փռած.
Հոս ալ անանկ ըլլար ինչ գեղեցիկ
պիտի երևնար:

— Սիրելի Լուգովիկոսս, ըսաւ Յո-
հաննան, մենք գեղացի ենք, չունինք
այնչափ ստակ որ ատ մեծագործ բա-
ներուն ծախենք, ուր Թողունք որ
անոնք հարկաւոր բաներ ալ չեն. մենք
որ բնութեան գեղեցկութիւնը միշտ
կը տեսնանք, ծիծաղելու բան չէ՞ որ
պատերուն վրայ ուզենք անոնք նման-

ցընել: Նայե ինչպէս կապոյտ է սա-
երկինքը. տես ինչպէս կը կանանչնան
ու կը ծաղկին անտառները և դաշտե-
րը, ինչպէս ծառերը զուարճալի կեր-
պով ժամին չորս դին կը պատեն. ո՞ր
արհեստաւորը կրնայ ընել ասոնց նման
պատկերք մը: Աս ծայլըներով պա-
տած դաշտ որ՝ պատուհաններուն
տուլին տարածուած է, այնպէս գե-
ղեցիկ կապերտ մըն է որ իշխաններն ալ
չեն կրնար ունենալ անոր նման. և աս
լիճը որուն մէջը կը նկարուին երկին-
քը, անտաւը, ժայռերը, բերդերը,
հայլիէ մը աւելի գեղեցիկ չէ՞ արդեօք,
որ և ոչ պալատներու մէջ կը գտնու-
ւին: Ինչ կ'ըսես, ասանկ չէ՞ ո՞վ Լու-
գովիկոս:

— Իրաւ է, ըսաւ Լուգովիկոս, այս-
պէս գեղեցիկ տեսարան մը չէի տե-
սած մեր քաղաքը, ուր ամէն կողմ
ուրիշ բան չէի տեսնար՝ բայց պատեր
ու քարայտակ բախեր. հոս ամէն բան
կարծես թէ կը ծիծաղի:

— Տես ուրեմն, թէ ինչպէս մեր բա-
րերար տէրը հոգացեր է զարգարելու
մեր բնակութեան երկիրը:

— Ո՛հ, իրաւ որ Աստուած բարի է,
կանչեց տղան, և դաշտերը իրեն բա-

րուԹեան յայտնի օրինակ մըն էն:

Ամէն առտու Լորենցիոսի ընտանիքը արևուն հետ կ'ելլային անկողինէն, և արևը մտնալէն վերջը կը պառկէին. Լուգովիկոսի շատ հաճոյ եկաւ աս բանս:

— Քաղքին բնակիչները խենթ են, կ'ըսէր, որ առաւօտեան զուարճալի ժամերը անկողնի մէջ կ'անցընեն, գիշերուան կէսն ալ արթուն կը կենան: Ահելի լաւ կ'ընէին Թէ որ կանուխ ելլային, կանուխ ալ պառկելու երթային:

Շատ կը զուարճանար Լուգովիկոս անտառներու մէջ մտնալ, ելակ ժողվել, և վայրենի ծաղիկներու փունջեր կապել. բայց ամէն բանէ վեր իւրեն հաճոյ էին իրիկուան խաղերը ծառերուն տակը կամ մարգագետնին վրայ: Տղաքը զինուորական կրթութիւններ կը ձեւացնէին, ինչպէս պատերազմի ատեններ սովորութիւն է տղոց. անգամ մը Լուգովիկոս կեցեր կը նայէր, վերջը ըսաւ իրենց. — Այգպէս չէ, եկէք ես ձեզի դաս տամ Թէ որ կ'ուզէք:

Տղաքն ալ շատ լաւ, ըսին ուրախութեամբ, և ինքը սկսաւ սորվեցնել ա-

նոնց զանազան զինուորական քալը-լածքներու շարժմունքներ: Ան պղտիկ զինուորները ատեսան որ Լուգովիկոսը այսպիսի բաներու մէջ ազէկ վարպետ է, զինքը հաղարպետ ընտրեցին, ինքն ալ ասոր վրայ քել մը հպարտացաւ: Չաղացպանը՝ տղուն աղաչանքովը մէկ Թմբուկ մը գնեց, Յոհաննան ալ Թաշկինակ մը տուաւ դրօշակի տեղ. իսկ Լուգովիկոս Թղթէ նշաններ շինեց, մէկ քանի զինուորներու բաժնեց: Իրիկուաները երբ գեղացիք կու գային վառած ծխատեբլեները ծառերուն տակ, շատ կը զուարճանային աս զինուորական փորձերով: Ժողովրդապետն ալ երբեմն պատուհանէն կը գիտէր զանոնք, բնական սէր մը ունենալով տղոց վրայ: Գեղացի կնիկներէն մէկ քանին կը յորդորէին իրենց զաւակը, և շնորհակալ կ'ըլլային Լուգովիկոսի որ իրենց տղաքը ասանկ կը սորվեցընէր:

Օր մը Յոհաննան ըսաւ իրեն.

— Դու կրնաս լաւ զինուոր մը ըլլալ:

— Ինչո՞ւ չէ, սպասախանեց տղան զուարթ գէմքով:

— Բայց կարելի է որ մահուան վտանգի մէջ խնաս:

— Գիտեմ, բայց սակայն հայրե-
նեաց համար մեռնիլը շատ փառաւոր
մահ է:



ԳԼՈՒԽ Է

Հոգ. և Մխիթարոսքիւն.

ԼՈՐԵՆՑԻՈՍ և Յոհաննան Էրջան-
կութեամբ անցուցին ամառը: Իրենց
աղաքը և Լուգովիկոսը կ'օգնէին դե-
տինը բանելու աշխատութեանց մէջ,
և իրենց մեծ մխիթարութիւն կ'ըլ-
լային: Բայց հունձը՝ ինչպէս որ կը
յուսային անանկ չեղաւ. ասկէց զատ
Լորենցիոս ձի մը կորսնցուց, և ստի-
պուելով ուրիշ մը գնել, շատ ստակ
խարճեց: Տան վարձքը վճարելու ա-
տենն ալ հասաւ, և բաւական ստակ
չունէր տալու. գնաց շատ հարուստ
գեղացիներուն ընկաւ փոխ ստակ առ-
նելու, բայց անոնք կամ չկրցան կամ
չուզեցին անոր օգնել: Լորենցիոս և
Յոհաննան մեծ արամուտեան մէջ ըն-
կան, վասն զի իրենց պայմանին նայե-
լով՝ թէ որ չվճարէին վարձքը, պէտք
էր տունը աեղը թողուն:

Վճարման օրը եկաւ հասաւ, Լորեն-
ցիոս համրեց ստակը, տեսաւ որ յիտուն

Դիրա կը պահսէր. — Վայ ինձ, ըսաւ, վերակացուն վրաս պիտի արածնայ. բայց աս տարուան վարուցանին անյաւ ջողութիւնը նայելով և իմ ձիուս կոր, սուկը գիտնալով, և մտածելով որ ես յանցանք չունիմ՝ կարելի է թէ գուժը շարժի մեր վրայ և աս տղոյը մեզ բըննայ:

— Աստուած տայ, որ այնպէս ըլլայ պատասխանեց Յոջաննան լալով. ես բոլոր սրտովս կ'աղաչեմ Աստուծոյ որ ողորմի մեր որդւոցը. վասն զի թէ որ ասկէց դուրս ընկնանք, կարծեմ որ չենք գտնար ուրիշ յարմար տեղ մը:

— Ես ալ պիտի աղօթք ընեմ ըսաւ Լորենցիոս, առնէս ելլալէն մինչև վերակացուն երթալու ատենս:

Աս վերակացուն խիտ մարդ մըն էր, և առանց լաւ մտածելու ուզածը կ'որոշըր. ամենևին պատասխան չըտուաւ և ոչ խօսք մը՝ Լորենցիոսի աղաչանքին և անոր պատմածներուն. ստակը համրեց, մնացած պարտքը տեսաւ, և արձակեց վարձուորը ըսելով. — Գիտես մեր գաշինքը. թէ որ այսօր չառնեմ յիտուն լիրան՝ որ կը պահսի իմ հաշուէս, պէտք է որ թողուք ելլաք

ան տեղէն. հիմակուընէ ուրիշ մը պատգաստուած է, և ձեզմէ աւելի մեծ գուժար կու տայ ան տեղւոյն համար: Ահա ըսաւ վառական կերպով մը՝ ցուցընելով պայմանագիրը, ասա քու խոստովակդ, քու կնիքդ, գիտես որ եղածդ աշխիքը չփոխուիր:

Լորենցիոս գլուխը կախած ճամբայ ելաւ արտմուտքեամբ գէպ ի տուն, և մտածելով թէ ի՞նչ բերնով պիտի պատմէ կնոջը և որդւոցը, արցունքները կը թափէին աչքերէն, և կը հառաչէր: Անտառէն անցնելու ատեն, պատասհեցաւ ան կազնիին որուն տակը գտեր էր Լուգովիկոսը, և ծունկ չօգբելով աղաղակեց տաք սրտով. — Ո՛վ տէր Աստուած, ասա աս տեղս ան խեղճ տղան թողուած ձեռքերը կը վերցնէր գէպ ի քեզի, և դու մտիկ ըրիր իրեն աղաչանքին. հիմա ես ալ զքեզ օգնուժեան կը կանչեմ, ո՛հ, գիտիմ կնոջըս, գիտիմ զաւկներուս, գիտիմ Լուգովիկոսին ալ: Գու ըսիր, ո՞վ տէր, Ողորմած եղէք ուրիշներու, ես ալ ձեզի կ'ողորմիմ: Ես գուժ ցուցուցի աս տղուն վրայ, հիմայ դու ալ գուժ ունեցիր իմ վրաս, ո՞վ տէր:

Լորենցիոս ասանկ աղօթելէն վերջը՝

մեծ քաջալերուածեամբ ելաւ, ու հաղիւ թէ հարիւր քայլ մը առաջ դնաց, մէյ մ'ալ Յոհաննան գիմացը ելաւ վազելով:

— Ո՛հ, կանչեց Լորենցիսս. արդեօք թշուառուութիւն մը հանդիպեցաւ, ինչ կայ որ ատանկ արտորալով կու գաս:

— Չէ, չէ, պատախանեց Յոհաննան, ամէն բան լաւ կ'երթայ, և սկսաւ խնտալ:

— Վերակացուն չուզեց սպասել որ վերջը վճարես ստակը, այնպէս չէ:

— Ա՛հ, այնպէս է, ըսաւ Լորենցիոս:

Յոհաննան ալ ուրախուածեամբ. — Ես ալ այնպէս կը կարծէի:

— Հապա ինչպէս խնտալով կ'ըսես:

— Ինչպէս չխնտամ որ Աստուած մեզի օգնութեան հասաւ. սիրտս այն պէս ուրախութեամբ ու երախտագիտութեամբ չեցուած է, որ կ'ուզէի ամէնուն պատմել՝ չկրնալով սպասել քու դառնալուդ. ուստի վազեցի որ աւետեմ՝ քեզի մեր բախտը: Խալսեցանք մեր պարտքերէն, նայէ, ըսաւ, և ձեռքը բանալով ցուցուց իրեն՝ բսան փայլուն ոսկի:

Լորենցիոս, որ հազիւ թէ աչքերուն

կը հաւատար, կանչեց:

— Տէր Աստուած, ըսէ ինձի ո՞ւր գտար աս ստակը:

— Որչափ ալ մտածելու ըլլաս չես կըրնար գիտնալ թէ ինչպէս գտայ. ուրեմն եկու որ սլատմեմ՝ քեզի: Քու երթալէդ ետքը՝ սրտիս վրայ անանկ նեղութիւն մը ինչաւ, որ չեմ կրնար բացատրել. մեծ տղաքնիս գացեր էին Լուգովիկոսին հետ քրիստոնէականի դաս առնելու, մեկալնոնք կը խաղային պարտէզին մէջ, պղտիկն ալ օրօրոցին մէջ կը քնանար: Ես անոնց ղգեսաը մաքրելով սկսայ կարել, և ալօթք ընելով Աստուծոյ՝ աչքս մէյմը օրօրոցին կը դարձընէի, մէյ մը պարտէզին վրայ: Ա՛հ, ըսի, Աստուած ողորմէր աս խեղճ տղոցը՝ որ դեռ չեն գիտեր իւրենց վրայ գալու թշուառութիւնը: Արցունքները կաթիլ կաթիլ երեսէս կ'ինչնային: Լուգովիկոսին ղգեսան ալ առի կարկտելու. և դարձնելու ատենս՝ մէկ մեծ ձեղք մը տեսայ, ուսկից բան մը փայլեցաւ աչքիս. քիչ մը ծակը մեծցուցի, մէյ մ'ալ աս ոսկիներէն մէկը վար ընկաւ: Հիմայ եկու մտածէ իմ զարմանքս՝ անք Աստուած ըսի. ինչ բան ունին հոս տեղը աս ոսկինէ:

ըր: Ես մտածելով վերջապէս անանկ
 գրի մտքս որ կամաւ զգեստին մէջ
 կարեր էին. և անշուշտ Լուգովիկոսի
 մայրը փախչելու ատեն ան վտանգա-
 ւոր ճամբորդութեանը մէջ, մտածե-
 ր է աս կերպով քիչ մը ստակ խալտել:
 Ետքը մէկիկ մէկիկ կոճակները քա-
 կեցի, և ամէն մէկուն տեղը ոսկի
 դտայ, բոլորը մէկէն քսան հատ: Ա-
 հա, տես թէ ի՞նչ կերպով Աստուած
 մեզի օգնեց. հիմայ դու կրնաս վճա-
 րել վերակացուին, որ զմեզ ազատ
 թողու:

— Աղէկ կ'ըսես, պատասխանեց Լո-
 րենցիտս մտածելով մը, բայց չեմ գի-
 տեր թէ կրնանք գործածել աս ստա-
 կը, որ մերը չէ՝ հապա Լուգովիկոսի
 մօրը. Աստուած պահէ զմեզ ուրիշ
 բանը յափշտակելէն:

— Ես ալ ատ մտածեցի, ըսաւ Յո-
 հաննան, բայց վերջապէս մտքէս ըսի
 որ Լուգովիկոսի մայրը մեզմէ հարուստ
 է, և կրնայ վճարել իրեն տղուն հա-
 մար քանի մը ոսկի, մանաւանդ թէ
 մենք իրաւունք ալ ունինք պահանջե-
 լու, շաբաթը երկու կամ իրեք լիրա:
 Անկէջ զատ իրեն համար գլխարկ մը
 գնեցինք, զգեստ և ձերմակեղէններ. և

ամէն ծախքը մէկտեղ յիսուն լիրայէն
 աւելի կ'ըլլայ, ուրեմն հիմայ ասկէջ
 առ ան 50 լիրան, և վճարէ վերակա-
 ցուին:

— Իրաւունք ունիս, ըսաւ Լորեն-
 ցիտս, մենք կրնանք գործածել խղճմը-
 տանքով աս ստակը. և յայտնի կը
 տեսնեմ որ Աստուած մեզի օգնու-
 թեան հասեր է: Բայց՝ քիչ մը մտա-
 ծելէն վերջը ըսաս, հապա թէ որ վե-
 րակացուն զարմանայ այնպէս շուտ
 ստակը գտնելուս, ի՞նչ ըսեմ իրեն:

— Ըսէ ինձի համար թէ ինքը աը-
 ւաւ աս ստակները, որ առանց իմ
 գիտնալուս պահեր է եղեր. ուրեմն
 դուն գնա, ես ալ շուտով տուն կը
 գառնաս:

— Եկուր եկուր քիչ մը տեղ հետս,
 կրկնեց երեկը, որ ցուցընեմ քեզի ան
 ծառը՝ որուն տակը դտայ մեր բարի
 Լուգովիկոսը: Ահա աս տեղն էր որ
 ինքը կ'աղօթէր Աստուծոյ մեծ եռան-
 դեամբ. ես ալ հոս կ'աղօթէի քիչ մը
 առաջ, Աստուած ալ լսեց ինձի. Ո՛ր
 Աստուած իմ, կանչեց Լորենցիտս ձե-
 ուււրները երկինք վերցընելով, պէտք
 է շնորհակալ ըլլամ քեզի, որ մտիկ ը-
 իր իմ՝ աղաչանացս, լսէ հիմայ ալ իմ

չնորհակալուածեան արօթքս: Յոհաննան ծոռնկ չոքեցաւ էրկանը քով, և երկուքը միատեղ ջերմեռանդ արօթքնին նուիրեցին Աստուծոյ:

Ինքը տուն դարձաւ, Լորենցիոս ալ ճամբայ ելաւ Վալտէնպէրի երթալու բայց ուշացաւ ետ դառնալու ինչուան կէս գիշեր: Լուսինը լուսաւորեր էր բոլոր գեղը, և ճառագայթները լճին երեսը կը զարնէր, Յոհաննան տանը գրանը դիմացը նստած կը սպասէր էրկանը: Տղաքը արդէն պառկած էին, և իրենց համար ընթրիքը պատրաստ էր. երբոր եկաւ Լորենցիոս, նստեցան և խօսեցան ան օրուան դիպուածներուն վրայ:

— Արդեօք գիտէր Լուգովիոս որ իրեն զգեստին մէջը ան ոսկիները կային, հարցուց Լորենցիոս:

— Կարծեմ չէ. վասն զի ես իրեն ըսի որ կոճակները հաներ եմ, անոնց տեղը մետաղէ ուրիշ կոճակ պիտի կարեմ, ինքն ալ հաւանեցաւ:

— Ուրեմն՝ որովհետեւ անոր մայրը չէ ուզած որ խօսուի ան ստակին վրայ, մենք ալ պէտք է լռենք:

— Ես ալ այնպէս կը մտածեմ, ըսաւ Յոհաննան. կ'ուզեմ՝ զանիկայ

ինայուածեամբ դործածել՝ ինչպէս մեզի յանձնուած աւանդ մը: Որչափ որ ծախք ընենք վրան, կը նշանեմ, իբր թէ տղուն դաստիարակը ըլլայի. ինքը զգեստի և ոտքի ամանի կարօտ էր, ասա հիմայ ստակ ունինք գնելու:

— Աս զգեստին մէջը կարած ոսկին ըսաւ Լորենցիոս, ծածուկ օրհնութիւն մըն էր որ Լուգովիոս բերաւ մեր տունը: Առանց անոր, չկրնալով հատուցանել մեր վարձքը, պիտի ստիպուէինք ելլալ հոսկէց: Բայց մենք առատաստիք գանուեցանք Լուգովիոսին վրայ, Աստուած ալ աւելի առատ եղաւ մեզի. ասա ասանկ զարմանալի կերպով՝ ամէն բան կը կարգաւորէ Աստուած, և մէկին տեղ տասը կուտայ բարիք ընողներուն:

Երկուքն ալ հանգիստ առին խորունկ լուսութեամբ մը: Լուսինը դեռ կը փալփրլար ծառերուն կանանչ ճիւղերուն մէջէն, գիշերուան անուշ հովը կը տարածէր հեռուէն ծաղիկներուն անուշահոտութիւնը. իրենց երախտագիտութիւնն ալ ազնիւ խունկի մը պէս սրտերնէն վեր կ'էլլար Աստուծոյ առջևը:

ԳԼՈՒԽ Ը

Օտարական գիևոչորևեր.

ՄԵՅ իրիկուն մը յանկարծ թմբուկ շարնուեցաւ խաղաղ դաշտին մէջը. գաղղիացի գունդ մը կ'անցնէր ան գեղէն, քիչ մը առեհուռան համար իջե վան կը փընտուէր: Յոհաննան մեծ վախ ունէր՝ չըլլայ թէ օտար զինուորները խեղճ՝ Լուգովիկոսը չարչարեն, ու նաև զինքը և երիկն ալ անոր պատճառով, որ իրենց երկրէն քըշուածներուն տղան էր:

Լուգովիկոս լսելով որ մէկ զինուոր մըն ալ պիտի գայ իջե վաներու իրենց տունը. ուրախութեամբ ուզեց հագնիլ կերակի օրուան զգեստը, որպէս զի երթայ ընդունիլ զանիկայ: Բայց Յոհաննան ըսաւ իրեն, գնա ամէն օրուան զգեստդ հագիր. աւելի լաւ է որ դուն Քրիստոսին նման հագուած ըլլաս: Բայց ամէն բանէ աւելի քեզի կը պատուիրեմ՝ գաղղիերէն չխօսիս. զքեզ անոնց ճանչցնելէն աւանջ

Թէ իրենց հայրենակիցն էս, պէտք է փորձենք թէ ինչպէս կը վարուին մեզի հետ: Զինուորը աս խօսքիս վրայ մտաւ սենեակը. և շատ ուրախացաւ սենեակով շտկած մաքուր ան տունը, և իր հիւրընկալներուն վրայ աչնիւ ու մարդասէր կերպարանք մը: Նստաւ սեղանին քով. և վառեց իրեն ծխատերեւը Լուգովիկոսին բերած կրակէն: Գորբատոս ալ գրաւ սեղանին վրայ աման մը աչնիւ գարեջուր և գաւաթ մը: Սո միջոցիս Ելիսաբեթ սեղանին սինդոն կը փուէր. զինուորը ծխելէն դադարեւուն պէս, ապուրը սեղանին վրայ գրուեցաւ. Լուգովիկոս պատրաստեց երկու աղանձի ձագ խորված: Գորբատոս ալ աղցանը: Մեր զօրահանը ժպտելով կը նայէր տղոց վրայ, և սկսաւ ուստի մեծ ախորժակով մը, խիկ Լուգովիկոս՝ կրակին քով քաշուած աչուընէրը անկեր կը նայէր անոր վրայ:

Քիչ մը ետքը ուրիշ զինուոր մըն ալ եկաւ հոն իր ընկերին, և սկսան տաք խօսակցութիւն մը գաղղիերէն լեզուով: Լուգովիկոսի ականջին իբ մայրենական լեզուն անուշ երաժըշտութեան մը պէս եկաւ, ու չկրնա

լով համբերել, ելաւ վազեց՝ գաղղիւ-
րեն լեզուով բարեւեց զինուորները:
Ասոնք ալ ուրախուածեամբ իրեն գար-
ձան և շատ զարմացան որ գեղացիի
աղայ մը այնչափ գիւրուածեամբ գաղ-
ղիներէն կը խօսի: Քիչ մ'ալ խօսելով,
անտարակոյս մտքերնին գրին որ
Կաղղիա ծնած պիտի ըլլայ անիկայ,
և հարցուցին թէ ի՞նչ գիպուածով հոս
եկեր ես: Լուգովիկոս ալ պատմեց թէ
ինչպէս ճամբայ ելեր էր իր մօրը հետ,
ինչպէս կորսուեցաւ անտառին մէջ,
ու Յոհաննան և Լորենցիոս իրեն քո-
վը աւելն զինքը:

Ձինուորները փափաքով մը մտիկ ը-
րին աս պատմութիւնը, շատ զարմանք
ցուցընելով ան բարեպաշտ վարձու-
րին և իրեն կնոջը վրայ:

Երկրորդ օրը բոլոր զինուորներուն
մէջ տարածուեցաւ աս լուրը՝ թէ գե-
ղին մէջը գաղղիացի աղայ մը կայ, և
շատերը վազեցին տեսնալու զանիկայ.
անոնց զօրապետն ալ լսելով անոր ա-
նունը, ուզեց որ սեղանի կանչէն զան
ալ: Լուգովիկոս խուցէն ելաւ վար ի-
ջաւ, իրեն գեղեցիկ կապոյտ զգեստը
հագած, բաճկոնը և ձերմակ զանկա-
պանները: Յոհաննան ալ անոր սև ու

երկայն մազերը սանտրեց կլորցուց,
ու անանկ ճամբայ ելաւ դէպ ի զօրա-
պետին բնակարանը մտաւ սենեակը
գլխարկը ձեռքը առած, և բոլոր
սեղանին ատենը, ուրախ և բարեկը-
թեալ երեցաւ:

Քիչ ատենէն ան զինուորները գա-
ցին, և ուրիշները անոնց տեղը եկան:
Պզտի Լուգովիկոսը գեղին մէջ իրեւելի
մարդ մը գարձերէր. և զինուորներուն
ու գեղացիներուն մէջ կռիւ մը ըլլար,
միշտ ինքը մէջ կը ստնար. և որովհե-
տե ասոնք օտար լեզու չէին հասկը-
նար, ինքը քանի մը խօսքով զիրենք
կը հաշտեցընէր. գեղին ծերերուն ու
կարիճներուն մէջ կը մանար անոնց
թարգման ըլլալու, և այնպէս երկու
կողմին ալ հաճոյ կ'ըլլար: Ետ զինուոր-
ներ, որ կու գային սպառնալից ե-
րեսով և բարկացած նայուածքով,
Լուգովիկոսին հետ խօսելով կ'անուշ-
նային. անանկ որ աղան շատ թշուա-
ռութիւններէ ազատ պահեց ան գե-
ղը:

Բնակիչքը երախտագէտ եղան իրեն,
և գեղին վերակացուն խոստացաւ Լո-
րենցիոսին տունը ազատ պահել աս
զինուորաց բնակուածներէն: Աս բանս

հաճոյ եղաւ ամէնուն, Նորենցիոս ալ
քիչ մը հոգի առաւ:



ԳԼՈՒԽ Թ

Վիրաւորոշած սպայ մը.

ՔԱՆՈՒ կ'երթար պատերազմը կը
ծանրանար. գաղղիացիք կը տիրէին Երկ-
րին, գերմանացիք կը ջանային զանոնք
վաճակել: Սաստիկ պատերազմ մը է.
ղաւ գեղէն քիչ մը հեռու, և գեղին
քնակիչքը ելան բլրակի մը վրայ տես-
նալու պատերազմը: Թէպէտ կը լսե-
ին թնդանօթներուն ձայնը, բայց
ծուխը կ'արգելէր որ չէին կրնար
տեսնալ պատերազմողները. Նուգո-
վիկոս ալ բլուրին վրայ առջի ելլողնե-
րէն մէկը եղեր էր, և ան տեսարանը
ամէնէն աւելի իրեն մտածելու առիթ
եղաւ: Արծես թէ ամէն հարուած
իրեն սրտէն կ'անցներ. վասն զի կը
մտածեր թէ ան պատերազմով սրջափ
մարդկանց կեանքը պիտի կորսուի. Ե-
րեսին գոյնը նետած, անշարժ հոն կե-
ցած մտիկ կ'ընէր պատերազմին ալա-
ղակը, և սիրտը չէր քաշեր բերանը
բանալ բան մը խօսիլ:

Պատերազմը ինչուան իրիկուն քշեց .
 ան ատեն գեղացի մը եկաւ, գողալով
 պատմեց ինչ որ տեսեր էր: — Ես,
 ըսաւ, երկու բանակին մէջ տեղն էի,
 գնտակները ասդինն անդինն սուլա-
 ւով կ'անցնէին, ես վախէս ետև ետև
 քաշուելով՝ Թուփերուն մէջ պահուը-
 տեցայ . որչափ կարող եղայ ճամբայ
 գտնաւ: Գառնալու ատեն հանգիպե-
 ցայ մէկ վերաւորուած գաղղիացի
 սպայի մը, և իրեն կ'ուզէի օգնել,
 բայց երջանիկ սեպելով զիս . որ
 կէտնքս խալըսցուցի, վազելով իմ
 ճամբաս եկայ: Երբոր գեղացիներ լմնցուց
 խօսքը, Լուգովիկոս աղաչեց քովի կե-
 ցողներուն, որ երթան փնտռեն ան
 վերաւորուած սպայն, ոմանք իրաւջը
 նէ կ'ուզէին երթալ, բայց չար կող-
 դիտը, ան որ Լորենցիոսին թշնամին
 էր, հիմայ ալ սկսաւ ըսել. — Ձէ, չէ,
 մեծ անխոհեմութիւն է երթալը, վասն
 զի կ'երեւնայ որ հրացանները մեզի կը
 մօտենան, մտիկ ըրէք ինչպէս թնդա-
 նօթը անտառին մէջ կը թնդայ . ան
 շուշտ գուռք ալ կը զարնուիք կ'իյնաք:
 Երբոր պատերազմը լմնայ, զինուոր-
 ները կը հոգան իրենց վերաւորները .
 մեզի անօգուտ է զանոնք մտածելը:

Աս խօսքը յաղթեց, և գեղացիք
 ցրուեցան ասդին անդին. խի Լուգու-
 վիկոս մինակ մնացած աշուղները չորս
 դին կը պտտանէր . ինչուան որ
 Թնդանօթին ձայնը կարեցաւ և մէկ
 ահագելի ըուծիւն մը տրեց: Ատեն
 ատեն ականջին՝ օգնութիւն ուղեւու-
 խղճուկ ձայն մը կու գար: Սուաքինի
 տղան, սիրտը սիրով և գթութեամբը
 լցուած՝ կ'ուզէր ամէնուն օգնութեան
 հասնել, մանաւանդ իր հայրենակիցնե-
 րուն . չկրցաւ զինքը բռնել, և շուտ մը
 ինչնալով բռնէն. վաղեց գէպ ի լճին
 եզերքը, ուսկից որ ձայները կու գա-
 յին: Թուփի մը տակ աղմուտ երկրի
 վրայ տեսաւ գաղղիացի երիտասարդ
 սպայ մը, գոյնը նետած՝ բայց գեղե-
 ցիկ կերպարանքով, նստած գետնին
 վրայ: Հրացանի գնտակ մը ձախ ոտ-
 քը վերաւորեր էր, անոր համար վեր-
 քը պլեւով իր թաշկինակովը վնջե-
 ան գեղը գրեթէ քաշկըսուելով է:
 կեր էր հրացանին վրայ կռթնած .
 բայց ուժը բոլորովին կարելով հոն
 ճամբուն վրայ էր: Սաստիկ կը ցաւէր
 վերքը, ուկից շատ արիւն կը վազէր .
 խեղճը արդէն միտքը գրէր էր որ բու-
 լոր գիշերը ան խոնաւ տեղը պիտի ան-

յընէ, և ինքը զինքը Աստուծոյ յանձնած էր հոգեվաճառքի մը պէս:

Ահա աս միջոցիս՝ վրայ հասաւ Լուգոփիկոս, և իրեն հետ գաղղիերէն խօսելով սաստիկ գուժ ցըցուց վրան: Սնտէր երիտասարդին անանկ երևցաւ՝ որ երկնքէն հրեշտակ մը ինջած է, և իրեն հետ կը խօսի: Լուգոփիկոս ասդին անդին վազեց ջուր գտնալու և օգնութիւն հասցնելու, և ջաղացպանին պատահելով աղաչեց որ իրեն տունը տանի. բայց ջաղացպանը պատահանէց ծանր ձայնով մը՝ թէ աս ընելը վտանգաւոր է, որովհետեւ աս կէ քիչ մը առաջ հրացանի ձայներ հասան սկանջիս որ շատ մօտիկէ կու գային. անոր համար չեմ համարձակիր զիս և իմ որդիքներս մեռնելու վտանգի մէջ գնել:

Բայց Լուգոփիկոս անոր ոտքը ինկաւ կ'երգուընցներ յանուռ Աստուծոյ՝ որ գլխայ ան խեղճին վրայ. այնչափ աղաչեց, որ ջաղացպանին սիրտը շարժեցաւ և գնաց իր մարդկանցը հրամմեց որ պատգարակ մը առնեն և հետը գան: Աս միջոցին Լուգոփիկոս ամանով մը պաղ ջուր առած՝ առաջ անցաւ վազելով եկաւ ու սպային տուաւ, որ

բանի մը հէղ խմելէն վերջը կանչեց. — Ո՛հ ինչպէս կը զովանամ, Աստուած զքեզ վարձատրէ աղինւ աղայ:

Ջաղացպանը և հետը մանչ մը, և կան վերուցին վերաւորը ու գրին պատգարակին մէջ: Լուգոփիկոս անբերելի եղեր էր աս տեսն. բայց հազիւ թէ ջաղացքը հասան, տեսան որ ինքն ալ կու գայ վերաբուժը հետը առած: Վերաբոյժը ոտքը կապեց և յոյս տուաւ որ Աստուծոյ օգնութեամբը կատարեալ կ'առողջանայ, աս խօսքերը Լուգոփիկոս գաղղիերէն թարգմանեց, և զինուորը լսելով շատ մխիթարուեցաւ:

Ջաղացպանը քիչ մը ուտելու բան բերաւ անոր որ ուտելէն վերջը քնացաւ. Լուգոփիկոս ջանաց որ հիւանդին քովը ճրագ մը գրուի գիշերը, վերջը ինքը ուրախութեամբ տուն դարձաւ:

Հետեւեալ օրը արևուն ծագելէն առաջ հիւանդին գնաց, նոյն ատենը վերաբոյժն ալ ներս մտաւ, և տեսաւ որ վերաւորը ալէկ վիճակի մէջ է. քիչ մը լաթի ծուէն պէտք եղաւ, Լուգոփիկոս շուտ մը Յոհանային գնաց՝ ուղեց, բայց ան չէր գիտէր ուս

կից գանայ: Լուգովիկոս ես հիմայ կը գանամ ըսաւ, ու շուտ մը լաթի կտորներ առաւ, ու Յոհաննային և տղոց հետ շուտ մը գղեց սարաւ վերաբոյժին, հետն ալ գրպանի թաշկիւնակ մը. և տուաւ սպային ըսելով. — Քու թաշկինակդ արիւնոտ է ասով պէտք է պատել վէրքդ: Այնչափ հոգը ու գուժը, հիւանդին սիրաը շարժեց ու աջուրները արցունքով լեցուած կանչեց. — Աս թաշկինակը ամէն բանէ առաջ աջուրներս սրբելու պիտի գործածեմ:

Լուգովիկոս օրուան մէջ քանի մը հեղկու գար և անոր անկողնին քովը նստելով կը խօսէր, իր մօրը և իրենց տխուր փախստեանը վրայ: Ա՛հ կ'ըսէր չեմ կրնար մտածել ան նեղուժիւնը ան հոգը որ իրեն պատճառեցի, և ան արցունքները որ թափել տուի, առանց իմ լալուս:

Այսպիսի խօսքեր սպային ալ կը յիշեցընէր իրեն մօրը ցուը՝ երբոր ինքը պատերազմի երթալու եղաւ, և նախ հասարակ զինուոր գորուած ըլլալով ետքը իր խելքովը առաջ գացեր ու սպայութեան պատուին հասեր էր: Ի՞նչ զարմանալի դիպուած՝ կ'ըսէր

Լուգովիկոսին, որ երկուքնիս ալ ասանկ հեռու ենք ընկեր մեր ծնողքէն և հայրենիքէն: Դուն իմ կեանքս խալըս ցուցիր, և ամէն օր նոր նոր ծառայութիւններ կ'ընես ինձի. իսկ ես հիմայ աղքատ եմ և բոլոր ունեցածս չունեցածս աս ժամացոյցն է: Բայց կը յուսամ անանկ ժամանակ մը գոյ՛ որ կարենամ փոխարինել քու առատաձեւնութեանդ և ազնիւ սրտիդ, և օգուտ մը ընել քեզի ու քու ընտանեացդ: Ո՛վ գիտէ, Աստուած որ զքեզ հոս բերաւ զիս մահուընէ ազատելու համար, կարելի է զիս ալ սպարաստեր է զքեզ էրջանիկ ընելու:

Լըպրէսնի (աս էր սպային անունը) վէրքը օրէ օր լաւնալու վրայ էր. բայց սիրաը կը մաշէր զբաղմունք մը չունենալնուն համար: Ուստի Լուգովիկոս գնաց ժողովրդապետին աղաչեց որ իրեն քանի մը գաղղիերէն գիրք տայ. հիւանդն ալ, թէպէտև աս գրքերը բոլոր գաստիարակութեան վրայ կը խօսէին, ցամէնն ալ յօժարութեամբ կարգաց: Եւ անոնց օգուտն ալ իմացաւ՝ ու ըսաւ. — Կարծեմ՝ թէ ասոնք շատ օգտակար եղան ինձի, միտքս և սիրոս շտկելու: Աստուծոյ մասնաւոր

բարու թեանը ցոյց մը կը սեպեմ, զիս ան պատերազմին շփոթուած ենէն հանելը ու աս միայնու թեան մէջ բերելը, ուր ձեռքս այսպիսի ընտիր գրբեր ընկան, որոնք սորվեցուցին ինձի ճանչնալ զիս և շահելը:

Աս միջոցիս գաղղիացի զինուորները գործան հոս եկան, և շատ ուրախու թիւն ունեցան երբոր տեսան լըպրէօն իրենց առաջնորդը, զոր սրտանց կը պատուէին և կը սիրէին. Լուգովիկոսն ալ գովեստներով մեծցուցին, և բարեկամի պէս իրեն հետը կը խօսէին: Լըպրէօն յորդորուեցաւ ուրիշ հեռու քաղաք մը երթալ աւելի լաւ բժշկուելու համար. ուստի իր բարերարէն հրաժարելով սիմեց զինքը գրիկին մէջ, և շնորհակալ ըլլալով այն չափ ինձամակալու թեանցը վրայ, վերջի խօսքը աս եղաւ. Մի լար սիրելի Լուգովիկոս մի լար, հիմայ մէկ զմէկ կը թողունք, բայց նորէն պիտի տեսնուինք:

Բայց ուրիշ զօրագլուխ մը գեռ քիչ մը ատեն մնաց ան գեղը իր խըմբովը, և երբոր երթալու եղաւ՝ ան գեղին մեծերը գանդրուենիի ծառերուն տակը ժողվեց, որոնց ետևէն եկան

նաև խուճբ խուճբ կանայք և տղայք:

Աս զօրագլուխը այսացիացի ըլլալով լաւ կը խօսէր գերմաներէն. նախ գովեց գեղացիքը պղտիկ Լուգովիկոս սիրով ընդունելուն համար, որ իրեն հայրենակցաց օգտակար եղեր էր հօն, մանաւանդ ան վիրաւոր սպային. մենք ալ՝ ըսաւ, իրեն պատճառաւ ձեզի ներողամիտ կ'ըլլանք. գիտցած ըլլաք որ աս գեղս ուրիշ պարտք մըն ալ պիտի վճարէր պատերազմի համար. բայց ահա Լուգովիկոսին համար՝ զօրավարը աս պարտքը կը վերցնէ ձեր վրայէն. և ինձի յանձնուած է որ ձեր վերակացուն յանձնեմ աս հրամանագիրը, որով միշտ ապահով ըլլաք:

Այսպէս ըսելով տուաւ թուղթը, ջաղացպանին և Լորենցիոսին ձեռքը սիմեց սիրով, թմբուկը զարնել տուաւ և զինուորները ճամբայ ելան:

Աս զօրավարին խօսքերը շատ տպաւորուած լին ըրին գեղացուց վրայ. անոնք որ Լորենցիոսի կողմը բռներ էին՝ ուրախացան, իսկ Աղոգիոս և իր կուսակիցքը քիթերնին կախեցին:

— Ար տեսնա՞ք, ըսաւ գեղի վերակացուն, որ մեր աւագերէցը խելքով

կը խրատէր զմեզ և չէր խաբուած ,
ըսելով թէ Լուսինիկոսը մեզի օրհ-
նուածեան աղբիւր մը պիտի ըլլայ :

— Այնպէս է , այնպէս է՝ կանչեց
գեղացի մը . քրիստոնէականին սոր-
վեցուցածը իրաւ է . « Երանի ողոր-
մածաց զինորա ողորմութիւն գտցեն » :
Հոն կեցողները ձեռք զարկին աս խօս-
քերուէն , և շատերը կ'երգուննային
որ անկէ վերջը աւիթը չփախցընեն ու
ղորմութեան գործ ընելու :



ԳԼՈՒԽ Ժ

Դատաստան մը .

ՉԻՆՍՏԻՏՈՒՏԻՄՆ Եղաւ Հաստա-
տուէցաւ , և շատ օր զինուոր չէր ան-
նուէր գեղին մէջ . ամէնքը կ'ուրախա-
նային ան խաղաղութեան վրայ՝ որ
առջի թշուառութիւններէն ետքը ե-
կաւ : Բայց Լորենցիոսի գլուխը մեծ
գալիք փորձանք մը կար . վրան ամբաս-
տանութիւն ըրին թէ գեղին ճարտա-
րապետէն խել մը ստակ գողցեր է . և
գատաստանը աս կերպով եղաւ : Լո-
րենցիոս աս ճարտարապետին պարտե-
զին մէջ շատ ծառ պատուաստեր էր ,
և որովհետեւ պարտեզին պատը ցած
և կզմինարով ծածկած էր , անոր
վրայ կը գնէր իր գործիքները , ու
գիւրութեամբ կ'աւուրէր անկէց : Ճար-
տարապետը ան կզմինարներուն տա-
կը խել մը ոսկի ստակ պահած էր ,
վախնալով որ չըլլայ թէ գաղղիացւոց
ձեռքը կ'ընայ :

Զինուորները երթալէն վերջը, դնաց
 Գանձը վերցնելու, բայց չգտնալով
 կասկած ըրաւ Լորենցիոսին վրայ .
 վասն զի, գիտեր նաև թէ Լորենցիոս
 իր տանը վարձք վճարելու կարօտ մարդ
 է: Ան կալուածապետին գրագիրէն
 ալ իմացաւ. որ Լորենցիոս օսկի ստա-
 կով իր պարտքը վճարեր է եղեր. ասի-
 կայ իրեն յայտնի ապացոյց մը սեպե-
 լով անոր գողութեանը, ամբաստանեց
 զանիկայ Վալտէնպէրկի դատաւորին՝
 որ միանգամայն նոյն կալուածքին տե-
 սուշն էր: Գրագիրը ցըցուց ճարտա-
 րապետին Լորենցիոսէն աւած ստակ-
 ները, որ տեսածին սէս ուրախու-
 թեամբ լեցուած կանչեց. — Ա՛հա բուն
 ասոնք են որ ինձմէ գողցեր էր:

Լորենցիոսի հարցուեցաւ, ան ալ
 շահէ շիտակ իմացուց որ անոնք Լու-
 գովիկոսին զգեստին մէջ կարուած գաղ-
 ւեր էին. ցըցուց ան գրքոյկն ալ ու-
 րուն մէջ Յոհաննան կը գրէր ամէն
 օրուն ծախած ստակը: Ետքը կնիկն
 ալ կանչուեցաւ, որուն վկայութիւ-
 նը ամէն կերպով երկանը խօսքին հա-
 մաձայն ելաւ. դատաւորը ան գրքոյ-
 կը լաւ մը քննելէն վերջը՝ ըսաւ. —
 Մատ լաւ. բայց ո՞վ կրնայ սպահօովցը-

նել թէ գուբ աս խորամանկու-թիւնը
 մտածած չըլլաք՝ պարտըկելու համար
 յանցանքնիդ՝ թէ որ յայտնուելու
 ըլլայ: Ետքը Լուգովիկոսն ալ կանչեց.
 և անոր աս ստակներուն վրայօք ա-
 մենևին տեղեկութիւն չունենալ, Լո-
 րենցիոսի դէմ նոր վկայութիւն մը
 եղաւ: Աս ամէն բանէն, տեսուչը՝ որ
 խստութեան հետ նաև արդար մարդ
 մըն էր, շատ շփոթեցաւ, չէր գիտեր
 ամբաստանողին հաւատայ՝ թէ ճար-
 տարապետին, և դատապարտութեան
 վճիռ մը տայ Լորենցիոսին: Ուստի
 տարակուսանքի մէջ թողուց բանը.
 բայց ամէնուն մօքին մէջ՝ Լորենցիոս
 և իր կինը գող մը սեպուեցան:

Աս գիպուածը բոլոր գեղը իմացաւ,
 և ամէնուն խօսակցութեան նիւթ ե-
 ղաւ: Եղիտարէթ և Գորրատոս Լորեն-
 ցիոսի զաւակները շատ անգամ լալով
 տուն կը գառնային, լսելով իրենց
 ծնողացը համար թէ գող են:


Իրաւ որ Լորենցիոս և Յոհաննան
 միշտ արդար և աշխատող սեպուած
 էին, բայց իրենք ալ թշնամի ունէին,
 և ան գեղին մէջ օտար ըլլալնին ար-
 դէն պատճառ մըն էր անոնց, որ կը
 նախանձէին նաև ան գեղեցիկ կալու-

ածքին վրայ, զոր վարձեր էին. իսկ
 Կղոզիոսը յուսարով որ աւելի աժան
 ձեռք ձգէ զայ, չէր ուզեր աս առի-
 թը փախցընել: Շատ ատենէ ի վեր
 ծածուկ կերպով կը զրպարակէր զլո-
 բենցիոս, բայց չիմայ սկսաւ ամէն
 տեղ հրատարակել թէ խաբեբայ և
 գող է: Ճարտարագետն ալ անոր խօս-
 քերուն արձագանք կու տար, և կ'ը-
 սէր թէ դատաւորը անիրաւուութիւն
 ըրաւ. վասն զի պետք եղած խտու-
 թիւնը չբանեցուց:

Շատ գեղացի կնիտիք ալ նախան-
 ձելով կ'ատէին Յոհաննան՝ անոր վրայ
 երեցած կրթութեանը համար՝ որ ի-
 րեն ծնողքը աուեր էին քաղաքի մէջ:
 Իրեն խօսուածքը և կերպը միշտ վայե-
 լուչ էր, հագուստն ալ իր տեղին
 սովորութեանը յարմար, ոչ այնչափ
 հարստութեամբ՝ որչափ կոկիկ վայել-
 չութեամբ, որ գեղին բնակչաց հա-
 գուստէն շատ լաւ կ'երևար: Ահա
 բոլոր աս բաներուս համար նախան-
 ձոտ աչքով կը նայէին վրան, և
 թշուաւութեանց մէջ իրեն վրայ չէին
 գլծար:

Իսկ Յոհաննան շատ անգամ արտմու-
 թեամբ մեկդի կը քաշուէր լալու հա-

մար, բայց Լորենցիոս ընդ հակառակն՝
 իր անմեղութեանը վրայ վստահ ըլ-
 լալով՝ կ'երթար կնիկը մխիթարելու:
 Սիրելի Յոհաննա, ըսաւ մէկ իրի-
 կուն մը, նայէ լուսինը ինչպէս լոյս
 կը ձգէ մեր վրայ. ահա ան սև ամ-
 պը զինքը կը ծածկէ չիմայ, բայց
 վայրկեան մը սպասէ՝ կը տեսնես որ
 լուսինը ապրինէն աւելի լուսաւոր կ'ե-
 րենայ: Այսպէս պիտի ըլլայ մեր ան-
 մեղութիւնն ալ. չիմայ զմեզ զրպար-
 տելով՝ իբր թէ ամպով մը կը ծած-
 կեն, բայց վերջապէս պիտի յաղթէ
 լոյսը, վասն զի Աստուած պիտի
 ցրուէ ան թանձր շուքերը որ մար-
 դիկ մեր վրայ ձգեցին:



ԳԼՈՒԽ ԺԱ.

Իրար գտնադնին .

ԿԻՐԱԿԻ առաւօտ մը Լորենցիոս և Յոհաննան ժամ գնացին՝ ինչպէս որ սովոր էին . գեղեցիկ աշնան առաւօտ մըն էր, տղաքը կը ցաթկուտէին ու ըրախուժեամբ . բայց մայրը շատ տխրած էր տեսնալով, որ քովէն անցողներէն շատերը բարկացած աչքով մը կը նայէին վրան : Ժամը շերմեռան դուժեամբ աղաչեց Աստուծոյ, որ իննայէ իրենց ու չթողու որ երկայն ատեն գողի անուճով նախատուած մնան :

Ի դարձին տեսան որ իրենց գրանը առջև փառաւոր կառք մը կէցեր էր չորս ձիով : Մէկ քանի գեղացիներ՝ որոնք Յոհաննայէն առաջ անցեր էին, սկսան կանչել . — Ահա մեր գաւառապետին կառքն է . փառք Աստուծոյ՝ վերջապէս դարձաւ : Վալ-

տէնպէրկի խաթունը Լորենցիոսի գրանը առջև հասեր էր . քովն ալ նստեր էր ուրիշ կին մը ազնուական գէմքով : Լուս գովիկոս տեսածին պէս զան խաթունը, կայծակի պէս թռաւ վիզը փաթթուեցաւ կանչելով . — Ո՛հ, մայր իմ, անուշիկ մայր իմ, ան ալ զինքը թւեւրուն մէջ գրկելով, արցունքովը կը թրջէր ու կու լար . Լուսգովիկոս ալ ուրախուժեմէն սկսաւ լալ : Ար տեսարանը տեսնող գեղացիները սրտերնին ելած կը նայէին, ոմանք կը մեմուային ըսելով . — Որո՞ւ մտքէն կրնար անցնիլ թէ ատ խեղճ տղան ասանկ ազնիւ մայր մը ունենայ :

Ժողովուրդը երթալով կը գիզուէր, Վալտէնպէրկի խաթունը սենեակ մը տարաւ Լուսգովիկոսը իր մօրը հետ, որ այլայլուժեմէն կենալու ուժ չունենալով ընկաւ նստարանի մը վրայ . և սրտէն պարծենալով մը տղուն վրայ կը նայէր, ու կ'ըսէր . — Ո՛հ, ինչպէս մեծցեր, ըւրնացեր, կարիճցեր ես . և այքը կը պարտաւորէր վրան՝ կը գետէր, թէ ինչպէս մաքուր հագուած էր . վասն զի նոր շինած էին հագուուտը, կապոյտ վերարկու մը, բանուած վզնոցն ալ փայլուն ճերմակ : Մայրը

հազար ու մէկ հարցմունք ընելով՝
չէր կշտանար զարմանալէն և ուրա-
խութենէն, որ ժամանակը լաւ անցու-
ցեր էր:

Մէյ մը կը պատմէր իր քաջած ցա-
ւը՝ երբոր չգտաւ զինքը պանդոկին
մէջ. և էրկանը տրտմութիւնը որդ-
ւոյն կորսուելուն վրայ, մէյ մըն ալ
կը դառնար ուրախութիւնը յայտնե-
լու: Երկուքն ալ անանկ երջանկու-
թեան մէջ էին, որ բոլոր աշխարհ ա-
չուընուն չէր երևնար: Լորենցիոս և
Յոհաննան բան մը չէին հասկընար ա-
նոնց խօսքէն, որովհետև գաղղիերէն
կը խօսէին, բայց իրենց շարժուած-
քէն նայուածքէն կ'իմանային թէ ինչ
երջանկութեան մէջ են:

Վալտէնպէրկի խաթունը դարձաւ
Լորենցիոսի և անոր կնոջը, ու յայտ-
նեց սրտին ուրախութիւնը այնպիսի
մարդավար վարձուորներ ունենալուն.
վերջը իմացուց որ ան իրենց խեղճ
կարծած Լուդովիկոսը, ազնուական
տան մը զաւակ էր:

Մայրը կը բնակէր Փրակա, ուր որ
կը կենար Վալտէնպէրկի խաթունը
և անոր էրիկը. իրենց տանը վերա-
կացուն հրաման առած էր որ քաղ-

քին մէջ ինչ որ հանդիպի՝ իմաց տայ
իրենց, անոր համար գրեց գաղղիացի
տղուն զգեստի մէջ գտնուած ստակ-
ներուն պատմութիւնն ալ: Վալտէնպէր-
կի խաթունը գեռ չէր ճանչցած Լու-
դովիկոսի մայրը. վասն զի քաջուած
առանձնական կեանք մը կ'անցնէր բայց
բերնէ բերան աս պատմութիւնը պատ-
մուելով՝ կոմսուհւոյն ականջը հասաւ,
չուտ մը վաղեց գնաց Վալտէնպէրկի
խաթունին, և կարգաց անոր վերա-
կացուն գրածը, որուն թղթին մէջ
որոշ գրած էր տղուն մօրը անունը,
տղուն կորսուած օրը և ստակներուն
ճիշտ թիւը: Կոմսուհին չտարակուսե-
ցաւ որ գտնուած տղան իրենն է, և կը
վառէր սիրտը կարօտուն՝ թէ երբ
պիտի տեսնայ. բայց չէր համարձակե-
ր ան ճամբորդութիւնը ընելու, վասն
զի գաղղիացի զօրքերը ան կողմերը
բռներ էին: Ան ատենը Վալտէնպէրկի
պարոնը ըսաւ. — Ս, յա ես կնոջս հետ
իմ բերգս պիտի դառնամ. թէ որ կ'ու-
զես քանի մը օր անցընելու մեր հետը,
ես միտտեղ կը տանիմ, և ամենևին
վտանգի մը չես հանդիպիր. կոմսու-
հին մեծ ուրախութեամբ ընդունեցաւ
աս հրաւերքը, և գացին:

— Կը տեսնա՞ք, ըսաւ Վալտէնպէրկի խաթունը, աս ստակները պատճառ եղան որ Լուգովիկոս մօրը դառնայ. թէ որ աս ձախող կասկածը ձեր վրայ չըլլար, ո՞վ գիտէ կոմսուհին դեռ ո՞րչափ ատեն իր զաւակը պիտի չտեսներ: Ո՛հ, կանչեց Յոհաննան, աս ուրախութիւնս ինձի մոռցընել տուաւ քաշած ամօթս:

Վալտէնպէրկի խաթունը ակնարկելով խմացուց կոմսուհւոյն, որ երթալու ատեն է. ան ալ ոտք ելաւ և սիրալիր խօսքերովը իր շնորհակալութիւնը յայտնեց: Ան ատենը Յոհաննան գնաց շուտ մը որ ան ստակներուն մնացածը դարձընէ՝ Լուգովիկոսին մօրը տայ, բայց անիկայ պատասխանեց. — Ատ բանդ մի հոգար, իմ առջի հոգս պիտի ըլլայ փոխարինելու զաւկիս վրայ ցըցուցած ձեր խնամքը:

Եղիսաբեթ և Գորրատոս գնացին Լուգովիկոսի ճերմակեղէններուն և զգեստներուն կապոցը բերին. բայց Լուգովիկոսի վրայ տխրութիւնը պատեց. աչքերէն շատ արցունքներ թափելով բաժնուէլու բարեւ տուաւ Լորենցիոսի ու բոլոր ընտանեացը:

ամէնն ալ հետը կու լային, կոմսուհին ալ նորէն սիրաւ շարժած, — Ահա ըսաւ Յոհաննային, նոր ցոյց մըն ալ ձեր սիրոյն որ ունեցեր էք տղուս վրայ: Վալտէնպէրկի խաթունը կը ջանար միտարել Յոհաննան ու տղաքը. — Մի լաք, ըսաւ, Լուգովիկոս ձեզ բոտրովին չթողուր, ինձի հետ Վալտէնպէրկ պիտի բնակի, հոն կրնաք տեսնալ զինքը շատ անգամ:

Լուգովիկոս վերջի այցելութիւնը ընելէն ետև ժողովրդապետին շնորհակալ ըլլալով իրեն խնամոցը, դարձաւ մտաւ կառքը ու դէպ ի Վալտէնպէրկ սկսան երթալ:



ԳԼՈՒԽ ԺԲ

Վարձք և պատիժ.

ԼՈՒԳՈՎԻԿՈՍԻ մայրը Վալաէնպէրկ գնաց բնակեցաւ. էրիկն ալ հաշտութիւն եղածին պէս գարձաւ հոն եկաւ: Չպատմուիլ ինչ ուրախութիւն զգացին իրենք՝ երբոր այնչափ երկար ատեն բաժնուելէն վերջը մէկգմէկ գըտան: Աս առջի վայրկեանները անցընելէն ետև՝ սկսան մտածել թէ ինչ փոխարէն ընեն Լորենցիոսի:

Կոմսը ու կոմսուհին թէպէտ Գաղղիա իրենց ունեցածները կորսնցուցեր էին, բայց գեռ Անգղիոյ մէջշաւ հարըստութիւն ունէին. և որովհետև կոմսուհին իր անգլին քարերը ազատեր էր. բացաւ արկղիկը ու ըսաւ. — Առաջ յանձն առեր էի բոլոր աս գոհարները տալու որդիս գտնալու համար, իսկ հիմայ Լորենցիոսի ու Յոհաննային փոխարէն՝ գոնէ ասոնց մէկը տամ, իմ

Լուգովիկոսիս վրայ ցըցուցած գութեր նուն համար: Վալաէնպէրկի պարոնին աղաչէնք, ան պղտի երկիրը՝ որն որ վարձու բաներ է ու կ'աշխատի մէջը ան խեղճ՝ մարգը, մեզի ծախէ. մենք ալ իրեն պարգևենք: Շատ լաւ ըսաւ կոմսը ուրախութեամբ. որովհետև իրենք պաշտեցին մեր զաւակը, որ ամէն գոհարներէն աւելի թանկագին է մեզի:

Վալաէնպէրկի խաթունը արգէն կը փափագէր ձեռք ձգել ան գոհարը՝ որ մատնի շինած էր. և սնոր արժէքը կալուածքին կէս գինն էր, մնացած կէսին համար ալ կոմսուհին քանի մը ուրիշ ազամանգներ վրան աւելցուց: Բայց Վալաէնպէրկի պարոնը ըսաւ. — Անանկ չըլլար, նայեցէք ես ինչ կ'ըսեմ. գունն աս մատնին կնկանս կուտաս՝ որովհետև կը փափագի, և քու յիշատակդ իր քովը կը մնայ. ես ալ միշտ Լորենցիոսի կը թողում՝ ան երկիրը որ բանեցնէ, միայն կէս վարձք առնելով իրմէ ասկէ վերջը: Եւ այս պէս ինքը իբրև իրեն ստացուածքը սեպելով ան գետինը, կրնայ հանգըստութեամբ ապրիլ և ընտանեացը պէտք եղած ապրուստը հանել: Կոմսն ալ կոմսուհին ալ աս առաջարկութեանը

շատ հանեցան. ուստի գաւառապետը կանչեցին որ գրի վրայ առնէ աս բանս:

Վալտէնպէրկի խաթունը կ'ուզէր կանչել Լորենցիոսը, բայց կոմսուհին ըսաւ. — Աւելի լաւ է որ ես իրեն երթամ երկանս հետ, աս լուրը տալու համար: Ան ատենը Վալտէնպէրկի պարոնը ըսաւ, — Իրաւցնէ դուք չէ թէ միայն տալը՝ հասարակաց տեղանու թեամբ տալու կերպն ալ գիտէք. ուրեմն մենք ալ հետեւնիդ կու գանք:

Շուտ մը ձիերը լծուեցան, ճամբայ ելան. երբոր հոն հասան, Լուգովիկոս շուտ մը ուրախու թեամբ կ'առքէն դուրս ցտաբեց, և Լորենցիոսի հանեց ցըցուց պայմանագիրը. ան պատուական մարդն ալ զարմանքով մը կարդաց և չի երախտագիրու թեամբ աչքը երկինք վերուց:

Վալտէնպէրկի պարոնը ըսաւ. — Ահա տես մէկ խեղճ կորսուած տղու մը վրայ ունեցած գուժի՞ ինչպէս կ'ապահովցնէ թէ քեզի և թէ քու որդուդ հաստատուն բնակու թիւն մը:

— Լաւ գործը, կրկնեց Վալտէնպէրկի խաթունը, ոչ երբէք անվարձ կը մնայ, բայց վարձքը աս աշխարհիս վրայ ինչ որ ըլլայ, անդի ի աշխարհքը շատ աւելի մեծ է:

Իսկ գեղին բնակիչքը չէին կրնար զարմանքէն դագրիլ, ատենելով տէրը որ իր խեղճ վարձուորին այցելու թեան եկեր է: Ճարտարապետին կնիկն ալ կ'ըսէր երկանը. — Թէ որ աս ամէն բանը առաջուցմէ գիտնալու ըլլայինք, այնչափ կը բռնադատէինք Լորենցիոսը՝ որ գաղղիացի տղան մեզի կը յանձնէր, և անոր ամէն հոգը մեր վրայ կ'անցնէր:

Ան ատենը ճարտարապետը տեսնելով որ վարձուորին դէմ ըրած գողութեան ամբաստանութիւնը անօգուտ և շատ անիրաւ գործ եղաւ, գնաց իրեն ու զղջալով յայտնեց ըրածը, և երգուընցուց որ ներքէ իրեն: Եւ անկէ վերջը սկսաւ Արդիոսին վրայ կասկածիլ՝ որ ինչուան ան ստենը իր ամենէն մեծ բարեկամը ստպած էր:

Վալտէնպէրկի գատաւորին գնաց ու իմացուց՝ որ գողցուած ստակին վրայօք նոր ամբաստանութիւն մը պիտի ընէ:

— Կարծեմ թէ նորէն անխելք բան մը պիտի ըլլայ, ըսաւ գատաւորը, ինչպէս որ խեղճ Լորենցիոսի վրայ ըրեր՝ աւելի անգամ. ըսէ նայինք:

Ճարտարապետը սկսաւ խօսիլ. — Եր-

բոր գաղղիացիք մեր գեղը մտան, ես
ինք զինքս կորսնցուցած՝ չէի գիտեր
ինչպէս բաներս կարգի գնեմ: Կղը-
գիտսին խորհուրդ հարցուցի, զինքը
ճարտար մարդու մը տեղ գնելով. ան
ալ ինձի խրատ տուաւ՝ թէ ստակդ
պարտեզին մէջ պատի մը քարի տակ
պահէ աս գիշեր, անկէ ոչ ոք կրնայ
առնել. իսկ թղթերը թող իրենց տե-
ղը, թշնամիները չեն առնէր զանոնք:
Աս խորհուրդին շատ հաւնեցայ և ը-
սածին պէս ըրի. կէս գիշերուն՝ երբ ա-
մէնքը կը քնանային, կամաց կամաց պար-
տեզը իջայ կանթեղով մը, որովհետև
ստակը պահելու համար լոյս հարկաւոր
էր: Ան վայրկեանէն սկսած՝ գիշեր ցո-
րեկ պահած ստակներս կը մտածէի.
ու հազիւ թէ գաղղիացիք ճամբայ ե-
լան մեր գեղէն, մէկէն գնայի որ առ-
նեմ ստակներս, մէյ մ'ալ ձիւն եկաւ
գլխուս երբոր հոն բան չգտայ:

Բողոր գիշերը աչքս չկրցայ գոցել,
և առաւօտուն մէկէն վազեցի դրացի
Կղոգիոսիս, արթնցուցի և գլխուս ե-
կած փորձանքը պատմեցի իրեն: Ան
ատենը հարցուց տեսուչը, Կղոգիոս
քեզի ինչ ըսաւ: Սկսաւ ինձի բարկա-
նալ, և ցաւակից ըլլալու տեղը կը նա-

խատեր ու կ'ըսէր. — Առջափ անխել-
քու թիւն կ'ըլլայ մի եղեր՝ որ հետդ
ճրագ առնես, չես գիտեր որ ամէնքը
կրնային տեսնալ զքեզ. ուստի զար-
մանք չէ որ ստակներդ գողցուած ը-
լան: Ի այց նայէ. միտքս կու գայ որ
Լորենցիոս ծառերը պատուաստելու
ատեն միշտ պարտեզին պատին մօտե-
րը կը կենար, և հոն բան մը չուներ
ընելիք. հաւատայ ինձի անիկայ սխախ-
ըլլայ գողը, ես թէ որ քու տեղդ ը-
լայի՝ շակէ շիտակ զինքը կ'ամբաստա-
նէի. բայց կ'աղաչեմ որ ուրիշի չիմա-
ցընես թէ աս խորհուրդը ես տուի
քեզի:

Ան ատեն սկսաւ ինքն իրեն ըսել
գատաւորը. — Զըլլայ թէ ան գեշ և
նախանձոտ մարդը, Լորենցիոսէն վրէժ
առնելու համար մտածած ըլլայ, զին-
քը՝ գեղէն վաւրտելու և իր գետինն
ալ առնելու:

Վերջը դարձաւ գատաւորը հար-
ցուց. — Սոս կասկածդ իմացուցեր ես
մէկ ուրիշի մը:

— Քաւ լիցի, կանչեց ճարտարապետը,
միշտ Կղոգիոսին վրայ վստահ եղեր էի.
միայն հիմայ սիրտս վախ ինկաւ, և
չեմ ուզեր որ ինքը գիտնայ՝ թէ ես

զինքը ամբաստանած ըլլամ. կ'աղաչեմ ամենեւին բան մը չբռնէք իրեն:

— Շատ լաւ. դու սակէ ետքը ամենեւին մի խօսիր. ես զքեզ կանչել կուտամ երբ ատենը գայ:

Դատաւորը լաւ կը ճանչնար որ կը զոգիտը անզգամ մարդ մըն է, գինեմոլ, խաղցող, մխտոլ և ամէն չարութիւն հնարող. մտածեց որ կամաւ ճարտար պետիւն իրաւա տուած ըլլայ ստակը պարտէզը պաշէլու, որ ինքը անկէ գողնայ: Ուստի իր գրադիրը կանչեց ծածուկ պատմեց իրեն աս գիպուածը, պատուիրելով որ ետեւէ ըլլայ իմանալու՝ թէ արդեօք Աղոգիտոս ստակ խարճէր է:

Քանի մը օրէն վերջը գրադիրը իրեն պատմեց. — Աղոգիտոս բոլոր գիշերը գինեմոլն մը անցուցեր է խալ խաղալով, և շատ ստակ կորսնցնելով, և պարտքեր ոսկի ստակով վճարեր է. ահա աս երկու ոսկին ալ որ բաղդով մը ձեռք ձգեցի, ճարտարապետին ըսածներուն նման են:

Դատաւորը շուտով Աղոգիտոս կանչել տուաւ, և յայտնեց իրեն վրայ եղած կասկածը: Աղոգիտոս սկսաւ բարկանալ, և դանդաղութեամբ թէ իրեն պէս

արդար մարդուն վրայ այնպիսի կասկածներ կ'ընեն. աս միայն կը խոստովանէր թէ ան ոսկի ստակները ուրիշ սարկի հետ փոխեր էր, բայց կ'ուրանար գողցած ըլլալը:

— Աս կրնայ ըլլալ, կրկնեց դատաւորը, և մէկ խօսքով կրնաս զքեզ արգարացնել. միայն աս ըսէ ինձի, թէ ուսկից առիւր ան ոսկիները:

Աս հարցմունքէն Աղոգիտոս տակն ու վրայ եղաւ, գոյնը նետեց և չկրնալով կերպով մը հանդարտել, ստիպուեցաւ կամայ ակամայ գողութիւնը խոստովանելու: Մէկէն դատապարտեցաւ, որ ստակը վճարէ և քանի մը ամիս բանալը կենայ:

— Ահա այսպէս կ'ըլլայ, ըսաւ ճարտարապետը, ան մարդուն՝ որ ստակին յարգը չի յատէ. աշխատիչ չուզեր, կը խաղայ կը խաղայ և կը սկսի գողնալ: Մոլութիւնը միշտ գէշ պտուղներ կը բերէ, միայն առաքինութիւնը և արգարութիւնը կրնան զմեզ երջանիկ ընել: Լորենցիտի անմեղութիւնը իմացուեցաւ, և բու յանցանքը ամէնուն յայտնի եղաւ. անիկայ իր առատաձեռնութեանը և աշխուհականութեանը վարձքը կ'առնու, դուն ալ կը պատժուիս

քու խարդախութեանդ համար:

Կըդգիտս արդէն շատ պարտք ունէր, պէտք եղաւ ունեցածը չունեցածը ծախել. և այսպէս ողորմելի թշուառութեան մէջ ինկաւ: Շատ անգամ իրեն տղաքը եկան Լորենցիոսի գրանը առջև կտոր մը հաց մուրալու. և գեղացիքը կըսէին. — Ահա տեսէք ի՞նչ շահեցաւ Կըդգիտս իր գողութեամբը, իր չարութեամբը, և մանաւանդ Լորենցիոսի գէմ՝ ըրած անգթութեանը համար:



ԳԼՈՒԽ ԺԳ

Հարիւրասպետը.

ՎԱՆՏԵՆՊԵՐԿԻ պարոնը և իր կնիկը շատ մեծ բարեկամութիւն էին կապեր կոմսին և կոմսուհւոյն հետ. և աս բարեկամութիւնը հաստատուած էր իրենց ազնիւ սրտին վրայ: Թէպէտեւ արդէն խաղաղութիւն եղած էր, բայց քշուածները դեռ չէին կրնար մոռնել իրենց հայրենիքը. մանաւանդ որ քիչ ատենէն նորէն պատերազմ սկսաւ ան մօտ տեղուանքը. և Վալտէնպէրկի պարոնը և կնիք աղաչեցին իրենց բարեկամներուն՝ որ հոն իրենց քովը կենան, մինչև յարմար ժամանակ գայ երթալու:

Մէկ օր մը, գաղղիացի սպայ մը ան դղեակը եկաւ քանի մը հեծեալ զինուորներով, և ուղեց տեսնալ Վալտէնպէրկի պարոնը: Ամէնքը զարմացեր էին անոր գալուն. իսկ Լուգովի.

կոսի ծնողքը մեծ վախի մէջ էին՝ որ չըլլայ թէ զիրենք բռնէ ու Քաղզիա դրկէ:

Գեղեցիկ տեսքով մարդ մը, ոսկիէ բանած նշանով, եկաւ սրահը մտաւ. Լուգովիկոս տեսաւ չտեսաւ, մէկ ուրախութեան ձայն մը վերցուց. ու մէկէն անոր գիրկը վաղեց: Քաղզիացին ան սպայն էր որ ինքը վերաւորուած գտեր էր տղմուտ երկրին վրայ. հիմայ աս սպայն իր գընդովը ան գեղին մօտ անցնելու ատեն, բոլոր գիւշերը շատ քաջեր էր որ իր պզտի բարերարը մէյ մ'ալ տեսնայ. զինքը հոն չգտնալով Վալտէնպերկ եկեր էր. կրկին ու կրկին անգամ պագաւ Լուգովիկոսը, և պատմեց անոր ծնողացը՝ թէ որչափ պարտական է շնորհակալ ըլլալու անոր: Վալտէնպերկի պարօնը հրամցուց զինքը որ քանի մը օր հոն մնայ: — Իսոյց սպայն պատասխան տուաւ, թէ պէտք է որ ատենին ես իմ գնդին քով գտնուիմ, սակայն կը յուսամ որ քիչ ատենէն նորէն գառնամ և աւելի երջանիկ վիճակի մէջ գտնամ իմ պղտի բարեկամս:

Եւ աս խոստմունքին վրայ կեցաւ. վասն զի քիչ ատենէն խաղաղութիւն

ըլլալով նորէն Վալտէնպերկ դարձաւ, ու Լուգովիկոսի ծնողացն ալ ազատութեան հրամանագիր մը բերաւ, որով Քաղզիա կարենան մտնալ, և իրենց կալուածքը առնել: Աս շնորհքը սպայն իրեն ազգականացը ձեռքով առեր էր: Եւ ահա աս կերպով բարութեանը փոխարէն վարձքը եղաւ:

Սպայն, Լուգովիկոս և ծնողքը մէկ տեղ գացին ան գեղը, ուր որ օգնութիւն գտեր էր. էտքը գնաց ժողովըրդապետին ալ և իրեն խել մը գաղղիւրէն գրքեր տուաւ՝ գեղեցիկ կազմով. ջաղացպանին խել մը կտաւ պարգևեց, իսկ կնիկանը ժապաւէն և բարակ կտաւ ներ, և մեծ ծրար մըն ալ բարակ ճերմակեղէններու Խոհանային և որգւոցը:

Իսոյց իրեն մեծագոյն ուրախութիւնն ան եղաւ որ կրցաւ Քաղզիա տանել կոմսը և կոմսուհին ու իր պզտի բարեկամը:

Լուգովիկոս իրեն մեծ երջանկութիւն սեպեց քանի մը տարի գեղի մէջ անցուցած կեանքը. ան բնակութիւնը չէ թէ միայն զինքը ուժովուցուց, այլ նաև սիրտը կրթեց և միտքը բացաւ: Լորենցիոսին բարեպաշտ սովորութիւնն որ առաւօտ իրիկուն Աս-

տուժոյ աղօթք կը մատուցանէր, ան տուժած դասերը թէ որչափ գէշ է չար գործը. թէ ինչպէս պէտք է համբերել հանդիպած վշտայ, թէ մեր յոյսը պէտք է բոլորովին Աստուծոյ վրայ դնել. նոյնպէս աւագերէցին խելացի խրատները, և աստուածային պաշտամանց միշտ ներկայ ըլլալը: Աս ամենայն բանը Լուսնովիկոսի սրտին մէջ առաքինութիւնը և հաւատքը կենդանի պահեցին. գեղացւոց կեանքին վարժեցումը, սորվեցաւ թէ ինչպէս քիչ բան բուսական է մարդու, գոհ է աւուղջ ապրելու համար. ուստի զեղիսութեանց և փոփոկութեանց պատճառները իրեն միշտ անշնորհք երևցան:


Գիւղական կեանքը իրեն սիրելի էր եղած, անոր համար շատ հաճեցաւ իրենց դիպկին, չէ թէ ազուոր զարգարած ըլլալուն համար, այլ սյգինէրով դաշտերով չորս դիէն կանաչով և դալար անտառներով պատած ըլլալուն. իր մեծ ուրախութիւնն էր բնութեան հրաշալիքը քննել և անոնց մէջ Աստուծոյ մեծութիւնը փառաւորել: Կ'ուրախանար որ աղբատներու հետ կը տեսնուի և զանոնք մօտէն կը ճանչնայ, գիտնալով որ շատ ազնիւ մարդիկ

կ'ըլլան հիւղերու մէջ ալ: Ետ ան դամ իր աս զգացմունքները իմանալով հայրը զինքը կը գովէր. — Վեհանձնութեան սէրը, կ'ըսէր տղուն, մարդու սրտէն շատ հեռու չէ, անոր համար մեր հպատակներն ալ մեր օրինակին կ'ուզեն հետևել. ասկէջ առաջ կու գայ ամենայն անկարգութիւն և մեր գարեբուն մուրուլութիւնները, որոնց դեղ ընելու համար պէտք է որ մենք ալ դառնանք բնութեան պարզութեանը, և ասով խաղաղենք անոնց տժգոհութիւնը, և մենք աւելի հանգարտ ու երջանիկ ապրինք:

Կոմսուհին ալ նոյնպէս կը մտածէր, և զարմանալով Լուսնովիկոսին վրայ երևցած Աստուծոյ նախախնամութեանը, կ'ըսէր. — Աստուած վերուց ինձ մէ Լուսնովիկոսը, որ ետքը աւելի խելացի ու առաքինի դարձրնէ ինձի: Մէկ թիթեռնիկ մը, մէկ պղտի թռչուն մը՝ անանկ փոփոխութեան պատճառեղան, որ չէ թէ միայն տղուս՝ այլ շատերուն ալ օգուտ տուին: Այսպէս ազնիւ կարիճ սպայ մը, մահուան վտանգէն մեծ դժուարութեամբ՝ կ'աղատի. Լորենցիոսի խեղճ և պարկեշտ ընտանիքը աւելի հանգիստ վիճակի մը կը

հասնի, ջաղացականը առատապէս կը վարձատրի. մենք ալ արձակ համարձակ կը գառնանք հայրենի երկիրնիս, մեր պապերուն թողուցած ճոխութիւնը հանգիստ սրտով ժառանգելու: Ո՛հ, քանի, քանի անգամ գլխուս եկած փորձանքներուն համար նեղութիւնը ծանրացեր է վրաս, բայց եաքը ճանչցեր եմ՝ որ իմաստուն և անբաւ կարողութեան տէր մէկը, ծածուկ կերպով աս ամէն բան կարգի կը դնէ, ամենուն վերջը գէպ ի բարին ուղղելով: Մեր վիճակին ամէն փոփոխութեանցը մէջ՝ աս բարի հաւատքը մեզի ճամբու գաւաղան մը պէտք է ըլլայ. անոր վրայ կըլթընինք, և քաջութեամբ ճամբանիս առաջ տանելով, կարենանք աւելի լաւ աշխարհ մը հասնելու:

Յ Ա Ն Կ Գ Լ Խ Ո Յ



ԳԼ. Ա.	Կորսուած տղայ մը . . .	5
ԳԼ. Բ.	Գիշեր մը	10
ԳԼ. Գ.	Մօր մը սրտմաշուքը . . .	15
ԳԼ. Դ.	Գեղին բնակիչքը	24
ԳԼ. Ե.	Ժողովրդապետ	29
ԳԼ. Ջ.	Գեղջիկական կեանք . . .	38
ԳԼ. Ե.	Հոգ և Միխիթարութիւն .	45
ԳԼ. Ը.	Օտարական զինուորներ .	54
ԳԼ. Թ.	Վիրաւորուած սպայ մը .	59
ԳԼ. Ճ.	Դատաստան մը	69
ԳԼ. ԺԱ.	Իրար գտնալնին	74
ԳԼ. ԺԲ.	Վարձք և պատիժ	80
ԳԼ. ԺԳ.	Հարեւրապետը	89

ԹԱՐԳՄԱՆԵԱՅ
Պ. ՅՈՎՀԱՆՆԷՍ ԵՍԱՅԵԱՆ
ԱՇԱԿԵՐՏ
ՌԱՓԱՅԵԼԷԱՅ ԳԱՐՃԱՐԱՆԻՆ



50

L